

30

25

20

15

10


5

北史

列傳

廿四  
全

柳田文庫  
文庫11  
D 275  
24



文庫11  
D295  
24

北史卷九十八

列傳第八十六

蠕蠕

匈奴字文莫槐

徒何段就六眷

高車

蠕蠕姓郁久閭氏。始神元之末掠騎。有得一奴髮始齊眉。亡本姓。名其主。字之曰木骨闐。木骨闐者。首禿也。木骨闐與郁久閭聲相近。故後子孫因以爲氏。木骨闐既壯。免奴爲騎卒。穆帝時坐後期。當斬。亡匿廣漠谿谷間。收合逋逃。得百餘人。依純突隣部。木骨闐死。子車鹿會。雄健。始有部衆。自號柔然。後太武以其無知。狀類於蟲。故改其號爲蠕蠕。車鹿會既爲部帥。歲貢馬畜貂豹皮。冬則徙。

度漠南。夏則還居漠北。車鹿會死。子吐奴傀立。吐奴傀死。子跋提立。跋提死。子地粟袁立。地粟袁死。其部分爲二地。栗袁長子匹侯跋。繼父居東邊。次子緼乾。提別居西邊。及昭成崩。緼乾提附衛辰而貳於魏。魏登國中。討之。蠕蠕移部遁走。追之。及於大磧南牀山下。大破之。虜其半部。匹候跋及部帥屋擊各收餘落。遁走。遣長孫嵩及長孫肥追之。度磧嵩至平望川。大破屋擊禽之。斬以徇。肥至涿邪山。及匹候跋舉落請降。獲緼乾。提子曷多汗。及曷多汗兄誥歸之。社倫斛律等并宗黨數百人。分配諸部。緼乾提西遁。將歸衛辰。道武追之。至拔那山。緼乾提復降。道武撫慰如舊。九年。曷多汗與社倫率部衆棄其父西走。長孫肥輕騎追之。至上郡。跋那山。斬曷多汗。盡殮其衆。社倫數人奔匹候跋。匹候跋處之南鄙。去其庭五百里。令其子四人監之。既而社倫率其私屬執匹候跋四子而叛。襲匹候跋諸子。收餘衆。亡依高車斛律部。社倫兇狡有權變。月餘乃釋匹候跋歸。其諸子欲聚而殲之。密舉兵襲匹候跋。殺匹候跋子啟拔。吳頡等十五人。歸于道武。社倫既殺匹候跋。懼王師討之。及掠五原以西諸部。北度大漠。道武以拔頡爲安遠將軍。平棘侯。社倫與姚興和親。道武遣材官將軍和突襲黜弗。素古延諸部。社倫遣騎救素古延。突逆擊破社倫。遠遁漠北。侵高車。深入其地。遂并諸部。凶勢益振。北徙弱洛水。始立軍法。千人爲軍。軍置將一人。百人爲幢。幢置帥一人。先登者賜以虜獲。退懦者以石擊首。殺之。或臨時捶撻。無文記。將帥以羊屎粗計兵數。後頗知刻木爲記。其西北有匈奴餘種。國尤富彊。部帥曰拔也稽。舉兵擊社倫。逆戰於額根河。大破之。後盡爲社倫所并。號爲彊盛。隨水艸畜牧。其西則焉耆之地。東則朝鮮之地。北則渡沙漠。窮渤海。南則臨大磧。其

常所會庭。敦煌張掖之北小國皆苦其寇抄。羈縻附之。於是自號豆代可汗。豆代猶魏言駕馭開張也。可汗猶魏言皇帝也。蠕蠕之俗君及大臣。因其行能。卽爲稱號。若中國立謚。旣死之後。不復追稱道武。謂尚書崔宏曰。蠕蠕之人。昔來號爲頑嚚。每來抄掠。駕牛牛奔遁。驅犍牛隨之。犧牛伏不能前。異部人有教其以犍牛易之者。蠕蠕曰。其母尚不能行。而況其子。終於不易。遂爲敵所虜。今社論學中國立法。置戰陣。卒成邊害。道家言。聖人生大盜起信矣。天興五年。社倫聞道武征姚興。遂犯塞。入自參合陂南至豺山。及善無北澤。時遣常山王遵以萬騎追之。不及。天賜中。社倫從弟悅代大那等謀殺社倫而立大那。發覺。大那等來奔。以大那爲冠軍將軍。西平侯悅代爲越騎校尉。易陽子。三年夏。社倫寇邊。永興元年冬。又犯塞。二年。明元討之。社倫遁走。道死。其子度拔。年少。未能嚮衆部落立社倫弟斛律號藹苦蓋可汗。魏言姿質美好也。斛律北并賀術也。骨國東破臂脣辰部落。三年。斛律宗人悅侯咄噲于等百數十人來降。斛律畏威自守。不敢南侵。北邊安靜。神瑞元年。與馮跋和親。跋婢斛律女爲妻。將爲交婚。斛律長兄子步鹿真。謂斛律曰。女小遠適。憂思生疾。可遣大臣樹黎勿地延等女爲媵。斛律不許。步鹿真出。謂樹黎等曰。斛律欲令汝女爲媵。遠至他國。黎遂共結謀。令勇士夜就斛律穹廬後。伺其出執之。與女俱嬪于和龍。遂乃立步鹿真。步鹿真立委政樹黎。初。高車叱洛侯欲舉大檀爲主。遺大檀金馬勒爲信。步鹿真聞之。歸發八千騎。往圍叱洛侯。焚其珍寶。自刎而死。步鹿真遂掩大檀。大檀發軍。執步鹿真。及社拔。綏殺之。

乃自立大檀者。社喻季父僕渾之子。先統別部鎮於西界。能得衆心。國人推戴之。號牟汗。紇升。蓋可汗。魏言制勝也。斛律父子既至和龍。馬跋封爲上谷侯。大檀率衆南徙犯塞。明元親討之。大檀懼而遁走。遣山陽侯奚斤等追之。遇寒雪。士衆凍死。及墮指者。十二三。及明元崩。太武卽位。大檀聞而大喜。始光元年秋。乃寇雲中。太武親討之。三日二夜。至雲中。大檀騎圍太武五十餘重。騎逼馬首。相次如堵焉。士卒大懼。太武顏色自若。衆情乃安。先是。大檀弟大那與社喻爭國。敗而來奔。大檀以大那子於陟斤爲部帥。軍士射於陟斤殺之。大檀恐。乃還。二年。太武大舉征之。東西五道並進。平陽王長孫翰等從黑漠。汝陰公長孫道生從白黑兩漠閒。車駕從中道。東平公娥青次西。從栗園。宜城王奚斤將軍安原等。西道。從爾寒山。諸軍至漠南。舍輜重。輕騎齋十五日糧。絕漠討之。大檀部落。駭驚北走。神䴥元年八月。大檀遣子將騎萬餘人。塞殺掠邊人。而走附國高車。追擊破之。自廣寧還。追之不及。二年四月。太武練兵于南郊。將襲大檀。公卿大臣皆不願。術士張深徐辯以天文說止帝。帝從崔浩計而行。會江南使還。稱宋文欲犯河南。謂行人曰。汝疾還。告魏主。歸我河南地。卽當罷兵。不然。盡我將士之力。帝聞而大笑。告公卿曰。羈鼈小豎。自救不暇。何能爲也。就使能來。若不先滅蠕蠕。便是坐待寇至。腹背受敵。非上策也。吾行決矣。於是車駕出東道向黑山。平陽王長孫翰從西道向大娥山。同會賊庭。五月。次於沙漠南。舍輜重。輕襲之。至栗水。大檀衆西奔。弟匹黎先典東落。將赴大檀。遇翰軍。翰縱騎擊之。殺其大人數百。大檀聞之震怖。將其族黨焚燒廬舍。絕迹西走。莫知所至。於是國落四散。竄伏山谷。畜產野布。無人收視。太武緣栗水西行。過漢將寶憲故壘。六

月。東駕次于菟園水。去平城三千七百餘里。分軍搜討。東至瀚海。西接張掖水。北度燕然山。東西五千餘里。南北三千里。高車諸部。殺大檀種類。前後歸降三十餘萬。俘獲首虜及戎馬百餘萬匹。八月。太武聞東部高車屯已尼波。人畜甚衆。去官軍千餘里。遂遣左僕射安原等往討之。暨已尼波高車諸部。望軍降者數十萬大檀部落衰弱。因發疾而死。子吳提立號敕連可汗。魏言神聖也。四年。遣使朝獻。先是。北鄙侯騎獲吳提南偏邏者二十餘人。太武賜之衣服。遣歸。吳提上下感德。故朝貢焉。帝厚賓其使。而遣之。延和三年二月。以吳提尚西海公主。又遣使者納吳提妹爲夫人。又進爲左昭儀。吳提遣其兄禿鹿傀及左右數百人來朝獻馬二千匹。帝大悅。班賜甚厚。至大延二年。乃絕和犯塞。四年。車駕幸五原。遂征之。樂平王丕。河東公賀多羅。督十五將出東道。永昌王健。宜都王穆壽。督十五將出西道。車駕出中道。至浚稽山。分中道。復爲二道。陳留王崇。從六澤向涿邪山。車駕從浚稽北向天山西登于阜。刻石記行。不見蠕蠕而還。時漠北大旱。無水艸。軍馬多死。五年。車駕西伐沮渠牧犍。宜都王穆壽。輔景穆居守長樂。王嵇敬。建寧王崇。二萬人。鎮漠南。以備蠕蠕。吳提果犯塞。壽素不設備。賊至七介山。京邑大駭。爭奔中城。司空長孫道生拒之於吐頽山。吳提之寇也。留其兄乞列歸於北鎮。諸將相守。敬崇等破乞列歸于陰山之北。獲乞列歸數曰。沮渠陷我也。獲其伯父他吾。無鹿胡。及其將帥五百人。斬首萬餘級。吳提聞而遁走。道生追之。至於漠南而還。真君四年。車駕幸漠南。分軍爲四道。樂安王範。建寧王崇。各統十五將。出東道。樂平王督十五將出西道。車駕出中道。中山王辰領十五將。爲中軍後繼。車駕至鹿渾谷。與賊相遇。吳提遁走。追至額根河。

擊破之。車駕至石水而還。五年復幸漠南欲襲吳提。吳提遠遁乃止。吳提死。子吐賀真立。號處可汗。魏言唯也。十年正月。車駕北伐高昌王那。出東道。略陽王羯兒。出西道。車駕與景穆自中道出深邪山。吐賀真別部帥爾綿他拔等率千餘家來降。是時軍行數千里。吐賀真新立。恐懼遠遁。九月。車駕北伐高昌王那。出東道。略陽王羯兒出中道。與諸軍期會於地弗池。吐賀真悉國精銳。軍資甚盛。圍那數十重。那掘長圍堅守。相持數日。吐賀真數挑戰。輒不利。以那衆少。而固疑大軍將至。解圍夜遁。那引軍追之。九日九夜。吐賀真益懼。棄輜重踰穹隆嶺。遠遁。那收其輜重。引軍還與車駕會於廣澤。略陽王羯兒盡收其人戶畜產百餘萬。自是吐賀真遂單弱遠竄。邊疆息警矣。太安四年。車駕北征。騎十萬。車十五萬。兩旌旗千里。遂渡大漠。吐賀真遠遁。其莫弗烏朱駕類率衆數千落來降。乃刊石記功而還。太武征伐之後。意存休息。蠕蠕亦怖威北竄。不敢復南。和平五年。吐賀真死。子子成立。號受羅部真可汗。魏言惠也。自稱永康元年。率部侵塞。北鎮遊軍大破其衆。皇興四年。子成犯塞。車駕北討。京兆王子推。東陽公元不。督諸軍出西道。任城王雲等督軍出東道。汝陰王賜。濟南公羅烏拔。督軍爲前鋒。隴西王原賀。督諸軍爲後繼。諸將會車駕于女水之濱。獻文親誓衆。詔諸將曰。用兵在奇。不在衆也。卿等但爲朕力戰方略。已在朕心。乃選精兵五千人。挑戰多設奇兵。以惑之。虜衆奔潰。逐北三十餘里。斬首五萬級。降者萬餘人。戎馬器械不可稱計。旬有九日。往返六千餘里。改女水曰武川。遂作北征頌。刊石紀功。延興五年。子成求通婚娉。有司以子成數犯邊塞。請絕其使。發兵討之。帝曰。蠕蠕譬若禽獸。貪而亡義。朕要當以信誠待物。不可抑絕也。子成知悔。前

非遣使請和求結姻援安可孤其欵意乃詔報曰所論婚事今始一反尋覽事理未允厥中夫男而下女父象所明初婚之吉敦崇禮聘君子所以重人倫之本不敬其初令終難矣子成每懷誦詐終獻文世更不求婚太和元年四月遣莫何去汾比拔等來獻良馬貂裘比拔等稱伏承天朝珍寶華麗甚積求一觀之乃敕有司出御府珍玩金玉文繡器物御廄文馬奇禽異獸及人間所宜用者列之京肆令其歷觀焉比拔見之自相謂曰大國富麗一生所未見也三年二月又遣比拔等朝貢尋復請婚焉孝文志在招納許之予成雖歲貢不絕而欵約不著婚事亦停九年子成死子豆輪立號伏古敦可汗魏言恒也自稱太平元年豆輪性殘暴好殺其名臣候鑒聖石洛候數以忠言諫之又勸與魏通和勿侵中國豆輪怒誣石洛候謀反殺之夷其三族十六年八月孝文遣陽平王頤左僕射陸叡並爲都督領軍斛律桓等十二將七萬騎討豆輪部內高車阿伏至羅率衆十餘萬西走自立爲主豆輪與叔父那蓋爲二道追之豆輪出自浚稽山北而西那蓋出自金山豆輪頻爲阿伏至羅所敗那蓋累有勝捷國人咸以那蓋爲天所助欲推那蓋爲主那蓋不從衆強之那蓋曰我爲臣不可焉能爲主衆乃殺豆輪母子以尸示那蓋乃襲位那蓋號候其伏代庫者可汗魏言悅樂也自稱太安元年那蓋死子伏圖立號他汗可汗魏言緒也自稱始平元年正始三年伏圖遣使紹娶勿六跋曰蠕蠕遠祖社輪是大魏叛臣往者包容覲時通使今蠕蠕衰微有損疇日大魏之德方隆周漢跨據中原指清入表正以江南未平懼寬北略通和之事未容相許若修蕃禮欵誠昭著者當不孤爾也永平元年伏圖又遣勿

六跋奉函書一封。并獻貂裘。言貳不納。依前渝遣。伏圖西征高車。  
爲高車王彌俄突所殺。子醜奴立。號豆羅伏跋豆伐可汗。魏言彰  
制也。自稱建昌元年。永平四年九月。醜奴遣沙門洪宣奉獻珠像。  
延昌二年冬。宣武遣驍騎將軍馬義舒使於醜奴。未發而崩。事遂  
停寢。醜奴壯健。善用兵。四年遣使侯斤尉比建。紇奚勿六跋。輩顧禮等。  
征高車。大破之。禽其主彌俄突。殺之。盡并叛者。國遂強盛。二年又  
遣使侯斤尉比建。紇奚勿六跋。輩顧禮等朝貢。神龜元年二月。明  
帝臨顯陽殿。引顧禮等二十人於殿下。遣中書舍人徐紇宣詔讓  
以蠕蠕蕃禮不備之意。初豆倫之先也。那蓋爲主。伏圖納豆倫之  
妻。候呂陵氏生。醜奴阿那瓌等六人。醜奴立後。忽亡一子。字祖惠。  
求慕不能得。有尼引副升牟妻是。五渾地萬。年二十許。爲醫巫。假  
託神鬼。先常爲醜奴所信。出入去來。乃言此兒今在天上。我能呼  
得。醜奴母子欣悅。後歲仲秋。在大澤中施帳屋。齋潔七日。祁請天  
神。經一宿。祖惠忽在帳中。自云恒在天上。醜奴母子抱之悲喜。大  
會國人。號地萬爲聖女。納爲內賀。教授夫副升牟爵位。賜牛馬羊  
三千頭。地萬旣挾左道。亦是有姿色。醜奴甚加重愛。信用其言。亂  
其國政。如是積歲。祖惠年長。其母問之。祖惠言我恒在地萬家。不  
嘗上天。上天者地萬教也。其母具以狀告醜奴。醜奴言地萬懸鑒  
遠事。不可不信。勿用讒言也。旣而地萬恐懼。譖祖惠於醜奴。醜奴  
陰殺之。正光初。醜奴母遣莫何去汾。李具列等綏殺地萬。醜奴怒。  
欲誅具列等。又阿至羅侵醜奴。醜奴擊之。軍敗。還爲母與其大臣  
所殺。立醜奴弟阿那瓌爲主。阿那瓌立。經十日。其族兄俟力發示  
發。率衆數萬以伐阿那瓌。戰敗。將弟乙居伐。輕騎南走歸魏。阿那  
瓌母候呂陵氏。及其二弟。尋爲元發所殺。而阿那瓌未之知也。九

特明平作  
此字明  
李作北

月。阿那瓌將至。明帝遣兼侍中陸希道爲使主。兼散騎常侍孟威爲使副。迎勞近畿。使司空公京兆王繼至此中。侍中崔光。黃門郎元纂在近郊。並申宴勞。引至闕下。十月。明帝臨顯陽殿。引從五品已上清宮皇宗藩國使客等列於殿庭。王公已下及阿那瓌等入就庭中。北面位定。謁者引王公已下升殿。阿那瓌位於藩王之下。又引特命之官。及阿那瓌弟并二叔升位於羣官之下。遣中書舍人曹道宣詔勞問。阿那瓌啟云。陛下優隆。命臣弟叔等升殿預會。但臣有從兄。在北之日。官高於二叔。乞命升殿。詔聽之。乃在於阿那瓌弟之下。二叔之上。宴將罷。阿那瓌執所啟立於座後。詔遣舍人常景。問所欲言。阿那瓌求詣帝前。詔引之。阿那瓌再拜跪曰。臣先世源由。出於大魏。詔曰。朕已具知。阿那瓌起而言曰。臣之先。逐草放牧。遂居漠北。詔曰。卿言未盡。可具陳之。阿那瓌又言曰。臣祖先已來。世居北土。雖復隔越山津。而乃恭心慕化。未能時宣者。正以高車悖逆。臣國擾攘。不暇遣使。以宣遠誠。自項年已前。漸定高車。及臣兄爲主。故遣鞏顧禮等。使來大魏。實欲虔修藩禮。是以曹道芝。北使之日。臣與主兄。卽遣大臣五人。拜受詔命。臣兄弟本心未及上徹。但高車從而侵暴。中有姦臣。因亂作逆。殺臣兄。立臣爲主。裁過旬日。臣以陛下恩慈如天。是故倉卒。輕身投國。歸命陛下。詔曰。具卿所陳。理猶未盡。可更言之。阿那瓌再拜受詔。起而言曰。臣以家難。輕來投闕。老母若在。得生相見。以申母子之恩。如其死也。卽得報讐。以雪大恥。臣當統臨餘人。奉事陛下。四時之貢。不敢闕絕。陛下聖顏難覩。敢有披陳。但所欲言者。口不能盡言。別有辭啟謹。

頌教等。  
或頭下脫  
等字

以仰呈願垂昭鑒。仍以啟付舍人常景。具以奏聞。尋封阿那瓌朔方郡公。蠕蠕主賜以衣冕。加之輶蓋。祿從儀衛。同于戚藩。十二月明帝以阿那瓌國無定主。思還綏集。啟請切至。詔議之。時朝臣意有同異。或言聽還。或言不可。領軍元乂爲宰相。阿那瓌私以金百斤貨之。遂歸北。二年正月。阿那瓌等五十四人。請辭明帝。臨西堂。引見阿那瓌及其伯叔兄弟五人。升階賜坐。遣中書舍人穆弼宣勞。阿那瓌等拜辭。詔賜阿那瓌細明光人馬鎧一具。鐵人馬鎧六具。露絲銀纏槊二張。并白眊赤漆槊十張。并箭墨漆弓十張。并白眊黑漆槊十張。并幡露絲弓二張。并箭朱漆柘弓六張。并箭白眊黑漆槊十張。并楯六幡。并刀。黑漆楯六幡。并刀。赤漆鼓角二十具。五色錦被二領。黃紬被褥三十具。私府繡袍一領。并帽內者。雜綵千段。緋納小口袴褶一具。內中宛具。紫納大十領。并帽內者。雜綵千段。緋納小口袴褶一具。內中宛具。黃布幕六張。新乾飯一百石。麥麩八石。榛麩五石。銅烏銷四枚。柔鐵烏銷一枚。各受二斛。黑漆竹檻四枚。各受五升。婢二口。父草馬五百疋。駝百二十頭。犧牛一百頭。羊五千口。朱畫盤器十合。粟二十萬石。至鎮給之。詔侍中崔光黃門元纂。郭外勞遣。阿那瓌來奔之後。其父兄侯力發婆羅門。率數萬人入討。示發破之。示發走奔地豆干。爲其所殺。推婆羅門爲主。號彌偶可社句可汗。魏言安靜也。時安北將軍懷朔鎮將楊鈞表傳聞。彼人已立主。是阿那瓌同堂兄弟。夷人獸心。已相君長。恐未肯以殺兄之人。郊迎其弟。輕往虛反。徒損國威。自非廣加兵衆。無以送其入北。二月。明帝詔舊經蠕蠕使者牒云。其仁。往喻婆羅門。迎阿那瓌復藩之意。婆羅門殊自驕慢。無遜避之心。責其仁禮敬具。仁執節不屈。婆羅門遣大官莫何去。汾俟斤丘升頭等六。

答字疑  
誤或當  
削之

人將二千隨具仁迎阿那瓌。五月具仁還鎮論彼事勢。阿那瓌慮不敢入表求還京會婆羅門爲高車所逐率十部落詣涼州歸降。於是蠕蠕數萬相率迎阿那瓌啟云。投化阿那瓌。蠕蠕元退社渾河旃等二人以今月二十六日到鎮云。國土大亂姓姓別住迭相抄掠當今北人鶻望待拯今乞依前恩賜給精兵一萬還令督率領迭臣磧北撫定荒人脫蒙所請事必克濟詔付尚書門下博議八月詔兼散騎常侍王遵業馳馴宣旨慰喻阿那瓌并申賜賚九月蠕蠕後主俟匿伐來奔懷朔鎮阿那瓌兄也列稱規望乞軍并請阿那瓌十月錄尚書事高陽王雍尚書令李崇侍中侯剛尚書左僕射元欽侍中元又侍中安豐王延明吏部尚書元修義尚書李彥給事黃門侍郎元纂給事黃門侍郎張烈給事黃門侍郎盧同等奏曰。竊聞漢立南北單于晉有東西之稱。所以相維禦難爲國藩籬今臣等參議以爲懷朔鎮北土名無結山吐若奚泉敦煌北西海郡卽漢晉舊鄣一處寬平原野彌沃阿那瓌宜置西吐若奚泉婆羅門宜置西海郡各令總率部落收離聚散其爵號及資給所須唯恩裁處彼臣下之官任其舊俗阿那瓌所居既是境外宜少優遣以示威刑計沃野懷朔武川鎮各差二百人令當鎮軍主監率給其糧仗送至前所仍於彼爲其造構功就聽還諸於北來在婆羅門前投化者令州鎮上佐准程給糧送詣懷朔阿那瓌鎮與使人量給食稟在京館者任其去留阿那瓌草創先無儲積請給朔州麻子乾飯二千斛官馳運送婆羅門居於西海既是境內資衛不得同之阿那瓌等新造藩屏宜各遣使持節馳驛先詣慰喻并委經略明帝從之十二月詔安西將軍廷尉元洪超兼尚書行臺詣敦煌安置婆羅門婆羅門尋與部衆

謀叛。投厥。噬。噉。三妻。皆婆羅門姊妹也。仍爲州軍所討。禽之。三年十二月。阿那瓌上表。乞粟以爲田種。詔給萬石。四年。阿那瓌衆大饑。入塞寇抄。明帝詔尚書左丞元孚。兼行臺尚書持節喻之。孚見阿那瓌爲其所執。以孚自隨。驅掠良口二千。并公私驛馬牛羊數十萬。北遁。謝孚放還。詔驃騎大將軍尚書令李崇等率騎十萬討之。出塞三千餘里。至瀚海。不及而還。俟匿伐。至洛陽。明帝臨西堂。引見之。五年。婆羅門死於洛南之館。詔贈使持節鎮西將軍秦州刺史廣牧公。是歲沃野鎮人破六韓拔陵反。諸鎮相應。孝昌元年春。阿那瓌率衆討之。詔遣牒云。具仁賚雜物勞賜阿那瓌。拜受詔命。勒衆十萬。從武川鎮西向沃野。頻戰。魁捷。四月。明帝又遣通直散騎常侍中書舍人馮雋。使阿那瓌宣勞。班賜有差。阿那瓌部落既和。士馬稍盛。乃號敕連頭兵伐可汗。魏言把攬也。十月。阿那瓌復遣郁久闊彌娥等朝貢。三年四月。阿那瓌遣使人輩鳳景等朝貢。及還。明帝詔之曰。北鎮羣狄爲逆不息。蠕蠕主爲國立忠。助勒部曲勿相暴掠。又近得蠕蠕主啟。更欲爲國東討。但蠕蠕主世居北漠。不宜炎夏。今可且停聽待後敕。蓋朝廷慮其反覆也。此後頻使朝貢。建議初。孝莊詔曰。夫勲高者賞重。德厚者名隆。蠕蠕主銘功瀚海。至誠旣篤。勲緒莫酬。故宜擇以殊禮。何容格以恒式。自今以後。讚拜不言名。上書不稱臣。太昌元年六月。阿那瓌遣烏勾蘭樹升伐等朝貢。并爲長子請尚公主。永熙二年四月。孝武詔以范陽王誨之長女鄒鄒公主許之。未及成婚。帝入關。東西魏競結。阿那瓌爲婚好。西魏文帝乃以孝武時舍人元翌。稱爲化政公。

主妻阿那瓌兄弟塔寒。又自納阿那瓌女爲后。加以金帛誘之。阿那瓌遂留東魏使元整不報信命。後遂率衆度河。以廢后爲言。文帝不得已。遂敕廢后自殺。元象元年五月。阿那瓌掠幽州范陽。南至易水。九月。又掠肆州秀容。至於三推。又殺元整。轉謀侵害。東魏乃囚阿那瓌。使溫豆拔等。神武以阿那瓌兇狡。將撫懷之。乃遣其使人龍无駒。北還。以通溫豆拔等音問。始阿那瓌殺元整。亦謂溫豆拔等不存。既見无駒。微懷感愧。興和二年春。復遣龍无駒等。朝貢東魏。然猶未款誠。阿那瓌女妻文帝者。遇疾死。齊神武因遣相府功曹參軍張徽纂使於阿那瓌。間說之云。文帝及周文既害孝武。又殺阿那瓌之女。妄以疎屬假公主之號。嫁彼爲親。又阿那瓌度河西討時。周文燒艸。使其馬饑。不得南進。此其逆詐反覆難信之狀。又論東魏正統所在。言其徃者破亡歸命。魏朝保護。得在其國。以大義示之。兼詐阿那瓌云。近有赤鋪步落堅胡行於河西。爲蠕蠕主所獲。云蠕蠕主問之。汝從高王爲。從黑懶。一人言從黑懶。蠕蠕主殺之。二人言從高王。蠕蠕主放遣。此卽蠕蠕主。存大國宿昔仁義。彼女旣見害。欺詐相待。不仁不信。宜見討伐。且守逆一方。未知歸順。朝廷亦欲加誅。彼若深念舊恩。以存和睦。當天子以懿親公主。結成姻媾。爲遣兵將伐彼叛臣。爲蠕蠕主雪恥報惡。徽纂旣申齊神武意。阿那瓌乃召其大臣與議之。便歸誠於東魏。遣其侯利莫何莫緣游大力等。朝貢。因爲其子菴羅辰請婚。靜帝詔兼散騎常侍太府卿羅念。兼通直散騎常侍中書舍人穆景相等。使於阿那瓌。八月。阿那瓌遣莫何去折豆渾十升等。朝貢。復因求婚。齊神武請遂其意。以招四遠。詔以常山王鷗妹樂安公主許之。改封爲蘭陵郡長公主。十二月。阿那瓌復遣折豆渾十升。詣東魏。請

發。疑登。

婚三年四月阿那瓌遣吐豆登郁久閻譬渾俟利莫何折豆渾俟煩等奉馬千疋以爲娉禮請迎公主詔兼宗正卿元壽兼太常卿孟韶等送公主自晉陽北邁資用器物齊神武親自經紀咸出豐渥阿那瓌遣其吐豆登郁久閻匿伏俟利阿夷普掘蒲提棄之伏等迎公主於新城之南六月齊神武慮阿那瓌難信又以國事加重躬送公主於樓煩之北接勞其使每皆隆厚阿那瓌大喜自是朝貢東魏相尋四年阿那瓌請以其孫女號隣和公主妻齊神武第九子長廣公湛靜帝詔爲婚焉阿那瓌遣其吐豆登郁久閻譬掘俟利莫何游大力送女於晉陽武定四年阿那瓌有愛女號爲公主以齊神武威德日盛又請致之靜帝聞而詔神武納之阿那瓌遣其吐豆發郁久閻汗拔姻姪等送女於晉陽自此東魏邊塞無事至於武定末使貢相尋始阿那瓌初復其國盡禮朝廷明帝之後中原喪亂未能外略阿那瓌統率北方頗爲強盛稍敢驕大禮敬頗闕遣使朝貢不復稱臣天平以來逾自踞慢汝陽王暹之爲泰州也遣其典籤齊人淳于單使於阿那瓌遂留之親寵任事阿那瓌因入洛陽心慕中國立官號僭擬王者遂有侍中黃門之屬以單爲祕書監黃門郎掌其文墨單教阿那瓌轉至不遜每奉國書隣敵抗禮及齊受東魏禪亦歲時往來不絕天保三年阿那瓌爲突厥所破自殺其太子菴羅辰及瓌從弟登注俟利登注子庫提並擁衆奔齊其餘衆立注次子鐵伐爲主四年齊文宣送登注及子庫提還北鐵伐尋爲契丹所殺其國人仍立登注爲主又爲大人阿富汗提等所殺其國人復立庫提爲主是歲復爲突厥所攻舉國奔齊文宣乃北討突厥迎納蠕蠕廢其主庫提立阿那瓌子菴羅辰爲主致之馬邑川給其廩餼繒帛親追突厥于朔方突

厥請降許之而還於是蠕蠕貢獻不絕五年三月菴羅辰叛文宣親討大破之菴羅辰父子北遁四月寇肆州帝自晉陽討之至恒黃州瓜堆虜散走時大軍已還帝麾下千餘騎遇蠕蠕別部數萬四面圍逼帝神色自若指畫形勢虜衆披靡遂縱兵潰圍而出虜退走追擊之伏尸二十五里獲菴羅辰妻子及生口三萬餘人五月帝又北討蠕蠕大破之六月蠕蠕帥部衆東徙將南侵帝帥輕騎於金川下邀擊蠕蠕聞而遠遁六年六月文宣又親討蠕蠕七月帝頓白道留輜重親率輕騎五千追蠕蠕躬犯矢石頻大破之遂至沃野大獲而還是時蠕蠕既累爲突厥所破以西魏恭帝二年遂率部千餘家奔關中突厥旣恃兵強又藉西魏和好恐其遺類依憑大國使驛相繼請盡殺以甘心周文議許之遂收縛蠕蠕主已下三千餘人付突厥使於青門外斬之中男以下免並配王公家匈奴宇文莫槐出遼東塞外其先南單于之遠屬也世爲東部大人其語與鮮卑頗異人皆剪髮而留其頂上以爲首飾長過數寸則截短之婦女被長襦及足而無裳焉秋收烏頭爲毒藥以射禽獸莫槐虐用其人爲部下所殺更立其弟普撥爲大人普撥死子丘不勤立尚平文帝女丘不勤死子莫廆立本名犯道武諱莫廆遣弟屈雲攻慕容廆慕容廆擊破之又遣別部素延伐慕容廆於棘城復爲慕容廆所破時莫廆部衆強盛自稱單于塞外諸部咸憚之莫廆死子遜昵延立率衆攻慕容廆於棘城廆子翰先戍於外遜昵延謂其衆曰翰素果勇必爲人患宜先取之城不足憂也乃分騎數千襲翰翰聞之使人詐爲段末波使者逆謂遜昵延曰翰數爲吾患久思除之今聞來討甚善戒嚴相待宜兼路早赴翰設伏待之遜昵延以爲信然長驅不備至於伏所爲翰所虜翰馳

使告廆乘勝遂進。及晨而至，廆亦盡銳應之。遜、昵延見而方嚴，率衆逆擊戰。前鋒始交，而輸已入其營，縱火燎之。衆乃大潰。遜、昵延單馬奔還，悉俘其衆。遜、昵延父子世雄漠北，又先得玉璽三紐。自言爲天所指，每自誇大。及此敗也，乃卑辭厚幣，遣使朝貢於昭帝。帝嘉之，以女妻焉。遜、昵延死，子乞得龜立。復伐慕容廆。廆拒之。惠帝三年，乞得龜屯堡澆水，固壘不戰。遣其兄悉跋堆襲廆。子仁于柏林仁逆擊，斬悉跋堆。廆又攻乞得龜，克之。乞得龜單騎夜奔，悉虜其衆，乘勝長驅入其國城，收資財億計。徙部人數萬戶以歸。先是海出大龜枯死於平郭。至是而乞得龜敗，別部人逸豆歸殺乞得龜，而自立。與慕容晃迭相攻擊，遣其國相莫渾伐晃，而莫渾荒酒縱獵，爲晃所破。死者萬餘人。建國八年，晃伐逸豆歸，逸豆歸拒之。爲晃所敗，殺其驍將涉亦干。逸豆歸遁漠北，遂奔高麗。晃徙其部衆五千餘落於昌黎，自是散滅矣。

徒何段就六眷，出於遼西。其伯祖曰陸眷，因亂被賣，爲漁陽烏丸子大庫辱官家奴。諸大人集會幽州，皆持唾壺，唯庫辱官猶無。乃唾日，陸眷口中日陸眷因咽之。西向拜天曰：願使主君之智慧祿相盡，移入我腹中。其後漁陽大饑，庫辱官以日陸眷爲健使，將人詣遼西逐食。招誘亡叛，遂至強盛。日陸眷死，弟乞珍代立。乞珍死，子務目塵代立。卽就六眷父也。據遼西之地，而臣於晉。其所統三萬餘家，控弦上馬四五萬騎。穆帝時，幽州刺史王浚以段氏數爲已用，深德之，乃表封務目塵爲遼西公。假大單于印綬。浚使務目塵率萬餘騎伐石勒於常山，封龍山下，大破之。務目塵死，就六眷立就六眷。與弟疋磾、從弟末波等率五萬餘騎圍石勒於襄國。勒登城望之，見將士皆釋仗寢臥，無警備之意。勒因其懈怠，選募勇

健穿城突出。直衝末波。生禽之。置之座上。與飲宴盡歡。約爲父子。盟誓而遣之。末波既得免。就六眷等。遂攝軍而還。不復報浚。歸于遼西。自此已後。末波常不敢南向。洩焉人問其故。末波曰。吾父在南。其感勒不害已也。如此。就六眷死。其子幼弱。疋磾與劉琨世子羣奔喪。疋磾陰卷甲而往。欲殺其叔羽鱗及末波。而奪其國。末波等知之。遣軍逆擊。疋磾劉羣爲末波所獲。疋磾走還薊。懼琨禽已。請琨宴會。因執而害之。疋磾旣殺劉琨。與羽鱗。末波自相攻擊。部衆乖離。欲擁其衆。徙保上谷。阻軍都之險。以拒末波等。平文帝聞之。陰嚴精騎。將擊之。疋磾恐懼。南奔樂陵。後石勒遣石季龍擊段文鷲于樂陵。破之。生禽文鷲。疋磾遂率其屬及諸塢壁。降于石勒。末波自稱幽州刺史。屯遼西。末波死。國人因立陸眷弟護遼爲主。烈帝時。假護遼驃騎大將軍。幽州刺史。大單于。北平公。弟鬱蘭撫軍將軍。冀州刺史。勃海公。建國元年。右季龍征護遼於遼西。護遼奔於平岡山。遂投慕容晃。晃殺之。鬱蘭奔石季龍。以所徙鮮卑五千人配之。使屯合支。鬱蘭死。子龕代之。及冉閔之亂。龕率衆南移。遂據齊地。慕容儁使弟玄恭率衆伐龕於廣固。執龕送之。薊儁毒其目。而殺之。坑其徒三千餘人。

高車。蓋古赤狄之餘種也。初號爲狄歷。北方以爲高車。丁零。其語略與匈奴同。而時有小異。或云。其先匈奴甥也。其種有狄氏。表紇氏。解律氏。解批氏。護骨氏。異奇斤氏。俗云。匈奴單于生二女。姿容甚美。國人皆以爲神。單于曰。吾有此女。安可配人。將以與天。乃國北無人之地。築高臺。置二女其上。曰。請天自迎之。經三年。其母欲迎之。單于曰。不可。未徹之間耳。復一年。乃有一老狼。晝夜守臺。嗚呼。因穿臺下爲空穴。經時不去。其小女曰。吾父處我於此。欲以

與天而今狼來。或是神物。天使之然。將下就之。其姊大驚曰。此是畜生。無乃辱父母。妹不從。下爲狼妻。而產子。後遂滋繁成國。故其人好引聲長歌。又似狼嗥。無都統大帥。當種。各有君長。爲性麤猛。黨類同心。至於寇難。翕然相依。鬪無行陣。頭別衝突。乍出乍入。不能堅戰。其俗蹲踞。袴蹠。無所忌避。婚姻用牛馬納聘。以爲榮。結言既定。男黨營車闌馬。令女黨恣取上馬。祖乘出闌馬主立闌外。振手驚馬。不墜者卽取之。墜則更取。數滿乃止。俗無穀。不作酒。迎婦之日。男女相將。持馬酪熟肉節解。主人延賓。亦無行位。穹廬前叢坐。飲宴終日。復留其宿。明日將婦歸。旣而夫黨還入其家。馬羣極取良馬。父母弟兄。雖惜。終無言者。頗諱取寡婦。而優憐之。其畜產自有記識。雖闡縱在野。終無妄取。俗不清潔。喜致震霆。每震則呼射天。而棄之移去。歲秋馬肥。復相率候於震所。埋殺羊。然火拔刀。女巫祝說。似如中國祓除。而羣隊馳馬。旋繞百匝。乃止。人持一束柳梗。回豎之。以乳酪灌焉。婦人以皮裹羊骸。戴之首上。縈屈髮鬢而綴之。有似軒冕。其死亡葬送。掘地作坎。坐戶於中。張臂引弓。佩刀挾硝。無異於生。而露坎不掩。時有震死。及疫病。則爲之祈福。若安全無他。則爲報賽。多殺雜畜。燒骨以燎。走馬遶旋。多者數百匝。男女無小大。皆集會。平吉之人。則歌舞作樂。死喪之家。則悲吟哭泣。其遷徙。隨水艸衣皮食肉。牛羊畜產。盡與蠕蠕同。唯車輪高大。輻數至多。徙於鹿渾海西北百餘里。部落彊大。常與蠕蠕爲敵。亦每侵盜于魏。魏道武襲之。大破其諸部。後道武復度弱洛水。西行。至鹿渾海停駕。簡輕騎。西北行百餘里。襲破之。虜獲生口。牛馬羊二十餘萬。復討其餘種於狼山。大破之。車駕巡幸分命諸將。爲東西二道。道武親勒六軍。從中道。自駿鬱水西北徇略其部。諸軍

同時雲合。破其雜種三十餘落。衛王儀別督諸將從西北絕漠千餘里。復破其遺迸七部。於是高車大懼。諸部震駭。道武自牛川南引大校獵。以高車爲圍。騎徒遡列周七百餘里。聚雜獸於其中。因驅至平城。卽以高車衆起鹿苑。南因臺陰。北拒長城。東包白登之西山。尋而高車姪利曷莫弗敕力犍率其九百餘落內附。拜敕犍爲揚威將軍。置司馬參軍。賜穀二萬斛。後高車解批莫弗幡豆建。復率其部三十餘落內附。亦拜爲威遠將軍。置司馬參軍。賜衣服歲給廩食。蠕蠕社倫破敗之後。收拾部落轉徙廣漠之北。侵入高車之地。斛律部帥倍俟利患之曰。社倫新集。兵貧馬少。易與耳。乃舉衆掩擊之。其國落高車昧利不顧後患。分其廬室。妻其婦女。安息寢臥不起。社倫登高望見。乃招集亡散。得千人。晨掩殺之。走而脫者十二三倍。俟利遂奔魏。賜爵孟都公。俟利質直勇健過人。會戈陷陣。有異於衆。北方之人畏之。嬰兒啼者語曰。倍俟利來。使止處女歌謠云。求良夫。當如倍俟利。其服衆如此。善用五十蒼羣。吉凶悼惜。葬以魏禮。謚曰忠壯王。後詔將軍伊謂帥二萬騎。北襲高車餘種。表統烏頻。破之道武時分散諸部。唯高車以類麤獮。不任使役。故得別爲部落。後太武征蠕蠕。破之而還。至漠南。聞高車東部在已尼陂。人畜甚衆。去官軍千餘里。將遣左僕射安原等討之。司徒長孫翰尚書令劉潔等諫。太武不聽。乃遣原等并發新附高車合萬騎。至于已尼陂。高車諸部望軍而降者數十萬落。獲牛馬羊亦百餘萬。皆徙置漠南千里之地。乘高車。逐水艸。畜牧蕃息。數年之後。漸知粒食。歲致獻貢。由是國家馬及牛羊。遂至于賤。氈皮委積。文成時。五部高車合聚祭天。衆至數萬。大會。走馬殺牲。游達歌。

吟忻忻其俗稱自前世以來無盛於此會車駕臨幸莫不忻悅後孝文召高車之衆隨車駕南討高車不願南行遂推表乾樹者爲主相率北叛游踐金陵都督宇文福追討大敗而還又詔平北將軍江陽王繼爲都督討之繼先遣人慰勞樹者樹者入墻蠕尋悔相率而降高車之族又有十二姓一曰泣伏利氏二曰吐盧氏三曰乙旃氏四曰大連氏五曰窟賀氏六曰達薄氏七曰阿喻氏八曰莫允氏九曰俟分氏十曰副伏羅氏十一曰乞袁氏十二曰右叔沛氏先是副伏羅部爲蠕蠕所役屬豆喻之世蠕蠕亂離國部分散副伏羅阿伏至羅與從弟窮奇俱統領軍高車之衆十餘萬落太和十一年豆喻犯塞阿伏至羅等固諫不從怒率所部之衆西叛至前部西北自立爲王國人號之曰侯婁勒猶魏言大天子也窮奇號候倍猶魏言儕主也二人和穆分部而立阿伏至羅居北窮奇在南豆喻追討之頻爲阿伏至羅所敗乃引衆東徙十四年阿伏至羅遣商胡越者至京師以二箭奉貢云蠕蠕爲天子之賊臣諫之不從遂叛來此而自堅立當爲天子討除蠕蠕孝文未之信也遣使者于提往觀虛實阿伏至羅與窮奇遣使者薄頡隨提來朝貢其方物詔員外散騎侍郎可足渾長生復與于提使高車各賜繡袴褶一具雜綵百匹窮奇後爲獻達所殺虜其子孫俄突等其衆分散或來奔附或投蠕蠕詔遣宣威將軍羽林監孟阿伏至羅阿伏至羅殺之阿伏至羅又殘暴失衆心衆共殺之立其宗人跋利延爲主歲餘獻達伐高車將納彌俄突國人殺跋利延迎彌俄突而立之彌俄突旣立復遣朝貢又奉表獻金方一銀方一金杖二馬七匹駝十頭詔使者慕容坦賜彌俄突雜綵六

十四。宣武詔之曰。卿遠據沙外。頻申誠款。覽揖忠志。特所欽嘉。蠕噠。嘯吐谷渾。所以交通者。皆路由高昌。掎角相接。今高昌內附。遣使迎引。蠕蠕往來路絕。姦勢不得。妄令羣小。敢有陵犯。擁塞王人。罪在不赦。彌俄突尋與蠕蠕主伏圖。戰於蒲類海北。爲伏圖所敗。西走三百餘里。伏圖次於伊吾北山。先是高昌王麴嘉表求內徙。宣武遣孟威迎之。至伊吾。蠕蠕見威軍。怖而遁走。彌俄突聞其離駭。追擊大破之。殺伏圖於蒲類海北。割其髮送於孟威。又遣使獻龍馬五匹。金銀貂皮及諸方物。詔東城子于亮報之。賜樂器一部。樂工八十人。赤紬十匹。雜綵六十四匹。彌俄突遣其莫何去汾屋引叱賀真。貢其方物。明帝初。彌俄突與蠕蠕主醜奴戰。敗被禽。醜奴繫其兩脚於駕馬之上。頓曳殺之。漆其頭爲飲器。其部衆悉入嚙噠。經數年。嚙噠聽彌俄突弟伊匐還國。伊匐旣復國。遣使奉表。於是詔遣使者谷楷等。拜爲鎮西將軍。西海郡開國公。高車王。伊匐。復大破蠕蠕。蠕蠕主婆羅門。走投涼州。正光中。伊匐遣使朝貢。因乞朱畫步挽一乘。并幔褥鞚鞬一副。繖扇各一枚。青曲蓋五枚。赤漆扇五枚。鼓角一枚。詔給之。伊匐後與蠕蠕戰。敗歸。其弟越居殺伊匐而自立。天平中。越居復爲蠕蠕所破。伊匐子比適。復殺越居而自立。興和中。比適又爲蠕蠕所破。越居子去賓。自蠕蠕奔東魏。齊神武欲招納遠人。上言。封去賓爲高車王。拜安北將軍。肆州刺史。旣而病死。初。道武時。有吐突隣部。在女水上。常與解如部。相爲脣齒。不供職事。登國三年。道武親西征。度弱洛水。復西行。趣其國。至女水上。討解如部落。破之。明年春。盡略徙其部落畜產而還。又有紇突隣。與紇奚世同部落。而各有大人長帥。擁集種類。常爲寇於意辛山。登國五年。道武勒衆親討焉。慕容麟率師來會。大破。

之。紇突隣大人屋地鞬。紇奚大人庫寒等皆舉部歸降。皇始二年。車駕伐中山。軍於柏肆。慕容寶夜來攻營。軍人驚走還於國路。由并州遂反。將攻晉陽。并州刺史元延討平之。紇突隣部帥匿物尼。紇奚部帥叱奴根等復聚黨反於陰館。南安公元順討之。不剋。死者數千人。道武聞之遣安遠將軍庫兵還討匿物尼等皆殄之。又有侯呂陵部衆萬餘口常依嶮畜牧登國中其大人叱伐爲寇於苦水河。八年夏道武大破之。并禽其別帥焉。古延等薛于部常屯聚於三城之間。久滅衛辰後其部帥太悉伏望軍歸順。道武撫安之。車駕還衛辰子屈丐奔其部。道武聞之使使詔太悉伏執送之。太悉伏出屈丐以示使者曰。今窮而見投。寧與俱亡。何忍送之。遂不遣。道武大怒。車駕親討之。會太悉伏先出擊曹覆寅官軍乘虛遂屠其城。獲太悉伏妻子珍寶。從其人而還。太悉伏來赴不及。遂五年屈丐盡劫掠。總服之。及平統萬薛于種類皆得爲編戶矣。而帥屯山鮮卑別種破多蘭部。示傳主部落至木易于有武壯力勇。劫掠左右。西及金城東侵安定數年間諸種患之。天興四年遣常山王遵討之。放於高平。木易于將數千騎棄國遁走。盡徙其人於京師。餘種分逆。其後爲赫連屈丐所滅。又黜弗素古延等諸部。富泥部永興五年轉牧跋那山西七月遣奚斤討破之。徙其人而還。論曰周之獫狁漢之匈奴其作害中國故久矣。魏晉之世種族瓜分。去來沙漠之陲。窺擾鄣塞之際。猶皆東胡之緒餘冒頓之枝葉。至如蠕蠕者。匈奴之裔。根本莫尋。逃形集醜。自小爲大風馳鳥赴。候來忽往。代京由之屢駭戎車。所以不寧。是故魏氏祖宗揚威曜

武驅其畜產收其部落剪之窮髮之野逐之無人之鄉豈好肆兵極銳凶器不戢蓋亦急病除惡事不得已其狡狄強弱之由滑虜服叛之迹故備錄云

十一月十九日午後

而不恭天興五年林官都軍突厥六千騎襲而襲之又賊逼告京師發薦公海其餘黨謀事畢泄於又黜非集吉延等皆富山王叢信之始高平木恩于傑連于觀裏國盡永康其人伏吐京立赤西又金延東突厥安達罕聞前蘇忠之天興四年葛魯突厥山率軍民盡如突厥示專主滑葛至木恩于吉延于良正平風五蓋突厥蘇文父平蘇萬勒于蘇歷督學為歸兵矣而

本牧與未幾十騎暴北土縣以西諸輸卑數時聞而督領之天興

列傳第八十七

突厥

鐵勒

突厥者其先居西海之右獨爲部落蓋匈奴之別種也姓阿史那氏後爲隣國所破盡滅其族有一兒年且十歲兵人見其小不忍殺之乃刖足斷其臂棄艸澤中有牝狼以肉餌之及長與狼交合遂有孕焉彼王聞此兒尚在重遣殺之使者見在狼側并欲殺狼於時若有神物授狼於西海之東落高昌國西北山山有洞穴穴內有平壤茂艸周廻數百里四面俱山狼匿其中遂生十男十男長外託妻孕其後各爲一姓阿史那即其一也最賢遂爲君長故牙門建狼頭纛示不忘本也漸至數百家經數世有阿賢設者卒

部落出於穴中。臣於蠕蠕至大葉護種類漸強。當魏之末。有伊利可汗以兵擊鐵勒。大敗之。降五萬餘家。遂求婚於蠕蠕主阿那瓌。大怒。遣使罵之。伊利斬其使。率衆襲蠕蠕。破之。卒弟阿逸可汗立。又破蠕蠕。病且卒。捨其子攝圖。立其弟族叔。稱爲木杆可汗。或云突厥本平涼雜胡姓阿史那氏。魏太武皇帝滅沮渠氏。阿史那以五百家奔蠕蠕。世居金山之陽。爲蠕蠕鐵工。金山形似兜鍪。借號兜鍪突厥。突厥因以爲號。又曰突厥之先出於索國。在匈奴之北。其部落大人曰阿謗步。兄弟七十人。其一曰伊質泥師都。狼所生也。阿謗步等性並愚癡。國遂被滅。泥師都既別感異氣。能徵召風雨。娶二妻。云是夏神冬神之女。一孕而生四男。其一變爲白鴻。其一國於阿輔水。劔水之間。號爲契骨。其一國於處折水。其一居跋斯處折施山。卽其大兒也。山上仍有阿謗步種類。並多寒露。大兒爲出火溫養之。咸得全濟。遂共奉大兒爲主。號爲突厥。卽納都六設也。都六有十妻。所生子皆以母族姓。阿史那是其小妻之子也。都六死。十母子內欲擇立一人。乃相率於大樹下。共爲約。曰。向樹跳躍能最高者。卽推立之。阿史那子年幼。而跳最高。諸子遂奉以爲主。號阿賢設。此說雖殊。終狠種也。其後曰土門。部落稍盛。始至塞上。市繒絮。願通中國。西魏大統十一年。周文帝遣酒泉胡安諾槃陀使焉。其國皆相慶。曰。今大國使至。我國將興也。十二年。土門遂遣使獻方物。時鐵勒將伐蠕蠕。土門率所部邀擊破之。盡降其衆五萬餘落。恃其強盛。乃求婚於蠕蠕主阿那瓌。大怒。使人詈辱之。曰。爾是我鋏奴。何敢發是言也。土門亦怒。殺其使者。遂與之絕。而求婚於魏。周文帝許之。十七年六月。以魏長樂公主妻之。是歲魏文帝崩。土門遣使來弔。贈馬二百疋。廢帝元年正月。土門發兵。

擊蠕蠕。大破之於懷芒北。阿那瓌自殺。其子菴羅辰奔齊。餘衆復立阿那瓌叔父鄧叔子爲主。土門遂自號伊利可汗。猶古之單于也。號其妻爲可賀敦。亦猶古之闕氏也。亦與齊通使往來。土門死。子科羅立。科羅號乙息記可汗。又破叔子於沃野北賴山。且死。捨其子攝圖。立其弟俟斤。是爲木杆可汗。俟斤一名燕都。狀貌奇異。面廣尺餘。其色赤甚。眼若瑠璃。剛暴勇而多知。務於征伐。乃率兵擊鄧叔子。破之。叔子以其餘燼奔西魏。俟斤又西破嚙噠。東走契丹。北并契骨。威服塞外諸國。其地東自遼海以西至西海萬里。南自沙漠以北至北海。五六千里。皆屬焉。抗衡中國。後與魏伐齊。至并州。其俗被髮左衽。穹廬擅帳。隨逐水草遷徙。以畜牧射獵爲事。食肉飲酪。身衣裘褐。賤老貴壯。寡廉恥。無禮義。猶古之匈奴。其主初立。近侍重臣等輿之以擅。隨日轉九回。每回臣下皆拜。拜訖乃扶令乘馬。以帛絞其頸。使纔不至絕。然後釋而急問之。曰。你能作幾年可汗。其主旣神情聳亂。不能詳定多少。臣下等瞞其所言。以驗修短之數。大官有葉護。次特勒。次俟利發。次吐毛發。及餘小官。凡二十八等。皆世爲之。兵器有角弓。鳴鏑。甲硝。刀劍。佩飾。則兼有伏突。旗纛之上。施金狼頭。侍衛之士。謂之附離。夏言亦狼也。蓋本狼生志不忘舊。善騎射。性殘忍。無文字。其徵發兵馬。及諸稅雜畜。刻木爲數。并一金鏃箭。蠟封印之。以爲信契。候月將滿。轉爲寇抄。其刑法反叛殺人。及姦人之婦。盜馬糾者。皆死。淫者割勢而腰斬之。姦人女者。重責財物。卽以其女妻之。鬪傷人者。隨輕重輸物。傷目者。償以女。無女。則輸婦財。折支體者。輸馬。盜馬及雜物者。各十餘倍。徵之死者。停屍於帳。子孫及親屬男女。各殺羊馬。陳於帳前。祭之。達帳走馬。七匝。詣帳門。以刀劈面且哭。血淚俱流。如此者。七

蠕蠕傳  
作三千

度乃止。擇日取亡者所乘馬及經服用之物并屍俱焚之。收其餘灰待時而葬。春夏死者候艸木黃落。秋冬死者候華茂然後坎而瘞之。葬日親屬設祭。及走馬勞面。如初死之儀。表爲塋立屋中。圖盡死者形儀。及其生時所戰陣狀。常殺一人則立一石。有至千百者。又以祭之羊馬頭。盡懸之於標上。是日也男女咸盛服飾。會於葬所。男有悅愛於女者歸卽遣人聘問。其父母多不違也。父兄伯叔兄弟及姪等妻其後母。世叔母嫂唯尊者不得下。淫移徙無常。而各有地分。可汗恒處於都斤山牙帳。東開蓋敬日之所出也。每歲率諸貴人祭其先窟。又以五月中旬集他人水。拜祭天神於都斤西五百里。有高山迥出。上無艸樹。謂爲勃登凝梨。夏言地神也。其書字類胡。至不知年曆。唯以艸青爲記。男子好樗蒲。女子踏鞠。飲馬醕。取醉歌呼相對。敬鬼神信巫。重兵死。恥病終。大抵與匈奴同俗。俟斤部衆既盛。乃遣使請誅鄧叔子等。周文帝許之。收叔子已下千人付其使者。殺之於青門外。三年。俟斤襲擊吐谷渾。破之。周明帝二年。俟斤遣使來獻。保定元年。又遣三輩。貢其方物。時與齊人交爭。戎車歲動。故連結之。以爲外援。初恭帝時。俟斤許進女於周文帝。契未定。而周文崩。尋而俟斤又以他女許武帝。未及結納。齊人亦遣求婚。俟斤食其幣厚。將悔之。至是武帝詔遣涼州刺史楊荐。武伯王慶等往結之。慶等至。諭以信義。俟斤遂絕齊使。而定婚焉。仍請舉國東伐。於是詔隋公楊忠率衆一萬。突厥伐齊。忠軍度陘嶺。俟斤率騎十萬來會。明年正月。攻齊至於晉陽。不克。俟斤遂縱兵大掠而還。忠還言於武帝曰。突厥甲兵惡。賞罰輕。首領多。而無法令。何謂難制馭。由此者。使人妄道其張盛。欲令國家厚其使者。身往重取其報。朝廷受其虛言。將士望風畏憚。但虜態。

本補  
與字依明

詐健而實易與耳。今以臣觀之前後使人皆可斬也。武帝不納是  
歲俟斤復遣使來獻更請東伐詔楊忠率兵出沃野晉公護趣洛  
陽以應之會護戰不利俟斤引還五年詔陳公純大司徒宇文貴  
神武公竇毅南安公楊荐往逆女天和二年俟斤又遣使來獻陳  
公純等至俟斤復貳於齊會有雷風變乃許純等以后歸四年又  
遣使貢獻俟斤死復捨其子大邏便而立其弟是爲他鉢可汗他  
鉢以攝圖爲爾伏可汗統其東面又以其弟禱但可汗爲步離可  
汗居西方自俟斤以來其國富強有凌轢中夏之志朝廷旣與之  
和親歲給繒絮錦綵十萬段突厥在京師者又待以優禮衣錦食  
肉常以千數齊人懼其寇掠亦傾府藏以給之他鉢彌復驕傲乃  
令其徒屬曰但使我在南兩箇兒孝順何憂無物邪齊有沙門惠  
琳掠入突厥中因謂他鉢曰齊國富強皆爲有佛法遂說以因緣  
果報之理他鉢聞而信之建一伽藍遣使聘齊求淨名涅槃華嚴  
等經十人并誦律他鉢亦躬自齊戒遶塔行道恨不生內地建德  
二年他鉢遣使獻馬及齊滅齊定州刺史范陽王高紹義自馬邑  
奔之他鉢立紹義爲齊帝召集所部云爲之復讎宣政元年四月  
他鉢遂入寇幽州柱國劉雄拒戰兵敗死之武帝親總六軍將北  
伐會帝崩乃班師是冬他鉢復寇邊圍酒泉大掠而去大象元年  
他鉢復請和親帝策趙王招女爲千金公主以嫁之并遣執紹義  
送闕他鉢不許仍寇并州三年始遣使奉獻且迎公主爲親而紹  
義尚留不遣帝又令賀若誼往諭之始送紹義他鉢病且卒謂其  
子菴邏曰吾聞親莫過於父子吾兄不親其子委位於我我死汝  
當避大邏便及卒國中將立大邏便以其母賤衆不服菴邏實貴  
突厥素重之攝圖最後至謂國中曰若立菴邏者我黨兄弟以事

之如立大邏便我必守境利刃長矛以相待攝圖長而且雄國人莫敢拒竟立菴邏爲嗣大邏便不得立心不服菴邏每遣人詈辱之菴邏不能制因以國讓攝圖國中相與議曰四可汗子攝圖最賢因迎立之號伊利俱盧設莫何始波羅可汗一號沙鉢略居都斤山菴邏降居獨洛水稱第三可汗大邏便乃謂沙鉢略曰我與爾俱可汗子各承父後爾今極尊我獨無位何也沙鉢略患之以爲阿波可汗還領所部沙鉢略勇而得衆北夷皆歸附之隋文帝受禪待之甚薄北夷大怨會營州刺史高寶寧作亂沙鉢略與之合軍攻陷臨渝鎮上敕緣邊修保鄣峻長城以備之沙鉢略妻周千金公主傷宗祀絕滅由是悉衆來寇控弦士四十萬上令柱國馮昱屯乙弗泊蘭州總管叱李崇屯幽州達奚長孺據周槃皆爲虜敗於是縱兵自木破石門兩道來寇武威天水安定金城上郡弘化延安六畜咸盡天子震怒下詔曰往者周齊抗衡分割諸夏突厥之虜俱通二國周人東慮恐齊好之深齊氏西慮懼周交之厚各謂虜意輕重國遂安危非徒並有大敵之憂思滅一邊之防竭生靈之力供其來往傾府庫之財棄於沙漠華夏之地實爲勞擾朕受天明命子育萬方愍臣下之勞除既往之弊回入賊之物加賜將士息在路之人務於耕織凶醜愚闇未知深旨將大定之日比戰國之時乘昔世之驕結今時之恨近者盡其巢窟俱犯北邊而遠鎮偏師逢而摧翦未及南上遽已奔北且彼渠帥其數凡五昆季爭長父叔相猜世行暴虐家法殘忍東夷諸國盡挾私讐西戎羣長皆有宿怨突厥之北契骨之徒切齒磨牙常伺其後達頭前攻酒泉于闐波斯揖怛三國一時既叛沙鉢略近趣周槃其部內薄孤東乾羅尋亦翻動往年利稽察大爲高麗靺鞨所破沙

毗設。又爲紇支可汗所殺。與其爲隣。皆願誅勦。部落之下。盡異純人。千種萬類。仇敵怨偶。泣血拊心。銜悲積恨。圓首方足。皆人類也。有一於此。更切朕懷。彼地咎徵。祆作。將年一紀。乃獸爲人。語人作神言云。其國亡訖而不見。每冬雷震。觸地火生。種類資給。唯藉水草。去歲四時。竟無雨雪。川枯蝗暴。卉木燒盡。饑疫死亡。人畜相半。舊居之地。赤土無依。遷徙漠南。偷存晷刻。斯蓋上天所忿。驅就齊斧。幽明合契。今也其時。故選將練兵。贏糧聚甲。義士奮發。壯夫肆憤。願取名王之首。思撻單于之背。此則王恢所說。其猶射癱。何敵能當。何遠不克。但皇王舊迹。北止幽都。荒遐之表。文軌所棄。得其地。不可而居。得其人。不忍皆殺。無勞兵革。遠規溟海。普告海內。知朕意焉。於是河間王弘。上柱國豆盧勣。竇榮定。左僕射高熲。右僕射虞慶則。並爲元帥。出塞擊之。沙鉢略率阿波。貪汗。二可汗來拒。戰皆敗走。時虜饑不能食。粉骨爲糧。又多災疫。死者極衆。既而沙鉢略以阿波驍悍。忌之。因其先歸。襲擊其部。大破之。殺阿波母。阿波還。無所歸。西奔達頭可汗。達頭者。名玷厥。沙鉢略之從父也。舊爲西面可汗。旣而大怒。遣阿波率兵而東。其部落歸之者。將十萬騎。遂與沙鉢略相攻。又有貪汗可汗。素睦於阿波。沙鉢略奪其衆而廢之。貪汗亡奔達頭。沙鉢略從弟地勤察。別統部落。與沙鉢略有隙。復以衆叛。歸阿波。連兵不已。各遣詣闕。請和求援。上皆不許。會于金公主上書。請爲一子之例。文帝遣開府徐平和使於沙鉢略。晉王廣時鎮并州。請因其釁乘之上不許。沙鉢略遣使致書曰。辰年九月十日。從天生大突厥天下賢聖天子。伊利俱盧設莫何始波羅可汗。致書大隋皇帝。使人開府余平和至。辱告言語。具聞也。皇帝是婦父。卽是翁。此是女夫。卽是兒。兩境雖殊。情義是一。

今重疊親舊。子子孫孫乃至萬世不斷。上天爲證。終不違負。此國所有羊馬。都是皇帝畜生。彼有縉綵。都是此物。彼此不異也。文帝報書曰。大隋天子。貽書大突厥。伊利俱盧。設莫何沙鉢略可汗。得書。知大有好心向此也。既是沙鉢略婦翁。今日看沙鉢略。共兒子不異。既以親舊厚意。常使之外。今特別遣大臣虞慶則。往彼看女。復看沙鉢略也。沙鉢略陳兵。列其寶物。坐見慶則。稱病不能起。且曰。我伯父以來。不向人拜。慶則責而喻之。千金公主。私謂慶則曰。可汗。豺狼性。過與爭。將齧人長孫晟。說諭之。攝圖屈。乃頓願受璽書。以戴於首。既而大慚。其羣下。因相聚慟哭。慶則又遣稱臣。沙鉢略謂其屬曰。何名爲臣。報曰。隋國臣。猶此稱奴。沙鉢略曰。得作大隋天子奴。虞僕射之力也。贈慶則馬千匹。并以從妹妻之。時沙鉢略。旣爲達頭所困。又東畏契丹。遣使告急。請將部落度漠南。寄居白道川內。有詔許之。晉王廣。以兵援之。給以衣食。賜以車服。數吹沙鉢略。因西擊阿波。破禽之。而阿拔國部落。乘虛略其妻子。官軍爲擊阿跋。敗之所獲。悉與沙鉢略。鉢略大喜。乃立約。以磧爲界。因上表曰。大突厥。伊利俱盧。設始波羅莫。何可汗。臣攝圖言。大使尚書右僕射虞慶則至。伏奉詔書。兼宣慈旨。仰惟恩信之著。愈久愈明。徒知負荷。不能答謝。突厥自天置以來。五十餘載。保有沙漠。自王蕃隅。地過萬里。上馬億數。恒方兼戎夷。抗禮華夏。在於戎狄。莫與爲大頃者。氣候清和。風雲順序。意以華夏。其有大聖興焉。伏惟大隋皇帝。真皇帝也。豈敢阻兵。特踰險。偷竊名號。今便感慕淳風。歸朝。神馬歲貢。朝夕恭承。惟命是視。謹遣第七子臣窟合真等。奉表以聞。文帝下詔曰。沙鉢略。往雖與和。猶是二國。今作君臣。便成一。

體已敕有司肅告郊廟宜傳播天下咸使知聞自是詔答諸事並不稱其名以異之其妻可賀敦周千金公主賜姓楊氏編之屬籍改封大義公主策拜窟合真爲柱國封安國公宴於內殿引見皇后賞勞甚厚沙鉢略人悅於是歲時貢獻不絕七年正月沙鉢略遣其子入貢方物因請獵於怛代之間詔許之仍遣使人賜其酒食沙鉢略率部落再拜受賜沙鉢一日手殺鹿十八頭齋尾首以獻還至紫河鎮其牙帳爲火所燒沙鉢略惡之月餘而卒上爲之廢朝三日遣太常弔祭焉贈物五千段初攝圖以其子雍虞間性悞遺令立其弟葉護處羅侯雍虞間遣<sub>使</sub>處羅侯將立之處羅叔與我父同根連體我是枝葉寧有我作子令根本反同枝葉願侯曰我突厥自木杆可汗來多以弟代兄以度奪嫡失先祖之法不相敬畏汝當嗣位我不憚拜汝也雍虞間又遣使謂處羅侯曰叔勿疑相讓者五六處羅侯竟立是爲葉護遣使上表言狀上賜之鼓吹幡旗處羅侯長頤僂背眉目疎朗勇而有謀以隋所賜旗鼓西征阿波敵人以爲得隋兵所助多來降附遂禽阿波旣而上書請阿波生死之命上下其議左僕射高熲進曰骨肉相殘教之蠹也宜存養以示寬大上曰善煩因奉觴進曰自軒轅以來獯粥多爲邊患今遠窮北海皆爲臣妾此之盛事振古未聞臣敢再拜上壽後處羅侯又西征中流矢卒其衆奉雍虞間爲主是爲頓伽施多那都藍可汗雍虞間遣使詣闕賜物二千段每歲遣使朝貢時有流人楊欽亡入突厥中謬云彭國公劉<sub>祖</sub>與宇文氏謀反令大義公主發兵擾邊都藍執欽以聞并責訖<sub>罪</sub>魚膠其弟欽羽設部落強盛都藍忌而擊之斬首於陣其年遣<sub>使</sub>其母弟禪但特勒獻于闐玉杖上拜禪但爲柱國康國公明年突厥部落大人相率遣

因下疑脫  
與字

使貢馬萬匹。羊二萬口。驅牛各五百頭。尋遣。請緣邊置市。與中國貿易。詔許之。平陳後。上以陳叔寶屏風賜大義公主。主心恒不平。因書屏風爲詩。叙陳亡以自寄。曰。盛衰等朝。暮世道若浮萍。榮華實難守。池臺終自平。富貴今安在。空事寫丹青。益酒恒無樂。絃歌詎有聲。余本皇家子。飄流入虜庭。一朝覩成敗。懷抱忽縱橫。古來共如此。非我獨申名。唯有昭君曲。偏傷遠嫁情。上聞惡之。禮賜益薄。公主復與西突厥泥利可汗連結。上恐其爲變。將圖之。會主與所從胡私通。因發其事。下詔廢之。恐都藍不從。遣奇章公牛弧。將美妓四人。以暗之。時沙鉢略子曰染干。號突利可汗。居北方。遣使求婚。上令裴矩謂曰。當殺大義公主。方許婚。突利以爲然。復譖之。都藍因發怒。遂殺公主於帳。都藍因突利可汗有隙。數相征伐。上和解之。各引兵去。十七年。突利遣使來。上舍之太常。敎習六禮。妻以宗女義安公主。上欲離間北狄。故特厚其禮。遣牛弘。蘇威。斛律孝卿。相繼爲使。突厥前後遣使入朝。三百七十輩。突利本居北方。以尚主故。南徙。度斤舊鎮錫賚優厚。雍虞閭怒曰。我大可汗也。反不如染干。於是朝貢遂絕。數爲邊患。十八年。詔蜀王秀。出靈州道。擊之。明年。又遣漢王諒。爲元帥。左僕射高煥。率將軍王察。上柱國趙仲卿。並出朔州道。右僕射楊素。率柱國李徹。韓僧壽。出靈州道。柱國燕榮。出幽州。以擊之。雍虞閭與玷厥舉兵攻染干。盡殺其兄弟子女。遂度河入蔚州。染干夜以五騎與隋使長孫晟歸朝。上令染干與雍虞閭使者因頭特勒相辯詰。染干辭直。上乃厚待之。雍虞閭弟都速六棄其妻子與突利歸朝。上嘉之。敕染干與都速六。樗蒲。稍稍輸以寶物。用歸其心。六月。高煥。楊素。擊玷厥。大破之。拜染干爲意利珍豆。敵人可汗。華言意智健也。敵人上表謝恩。

義成  
義成公  
城明本作  
成

上於朔州築大利城以居之。時義安公主已卒。上以宗女義成公主妻之。部落歸者甚衆。雍虞閭又擊之上復令入塞。雍虞閭侵掠不已。遂遷於河南。在夏、勝二州間。發徒掘塹數百里。東西距河盡爲敵人畜牧地。於是遣越國公楊素出靈州。行軍總管韓僧壽出慶州。太平公史萬歲出燕州。大將軍姚辯出河州。以擊都藍師。未出塞而都藍爲其麾下所殺。達頭自立爲步迦可汗。其國大亂。遣太平公史萬歲出朔州以擊之。遇達頭於大斤山。虜不戰而遁。尋遣其子俟利伐從磧東攻敵人。上表陳謝曰：「大隋聖人隨可汗憐養百姓。蒙恩赤退走入磧。敵人上表陳謝曰：「大隋聖人隨可汗憐養百姓。蒙恩赤心歸服。或南入長城。或住白道。深干如枯木重起枝葉。枯骨重生皮肉。千世萬世長與大隋。典羊馬也。」仁壽元年。代州總管韓洪爲虜敗於恒安。詔楊素爲雲州道行軍元帥率敵人北征斛薛等諸姓。初附於敵人。至是而叛。素軍河北。逢突厥阿勿思方俟斤等南渡。掠敵人男女雜畜而去。素率上大將軍梁默追之。大破俟斤。悉得人畜以歸。敵人素又遣柱國張定和領軍大將軍劉昇別路邀擊。並多斬獲而還。兵旣渡河。賊復掠敵人部落。素率驃騎范貴。於窟結谷東南。復破之。是歲泥利可汗及葉護俱被鐵勒所敗。步迦貢大業三年。煬帝幸榆林。敵人及義城公主來朝行宮。前後獻馬三千匹。帝大悅。賜帛萬三千段。敵人及義城公主上表曰：「已前聖人先帝莫緣可汗存日。憐臣賜臣安義公主。臣種末爲聖人先帝憐養。臣兄弟妬惡相共殺臣。臣當時無處去向。上看只見天下看只見地。實憶聖人先帝言語。投命去來。聖人先帝見臣大憐。臣死命養活。勝於往前。遣臣作大可汗坐着也。突厥百姓。死者以外。還

是亦帝  
王詩也

聚集。作百姓也。至尊令還如聖人先帝於天下四方坐也。還養活臣及突厥百姓實無少短。至尊憐臣時乞依大國服飾法用一同華夏。帝下其議。公卿請依所奏。帝以爲不可。乃詔曰。君子教人。不求變俗。何必化諸削衽。縻以長纓。仍璽書答敵人。以爲磧比未盡。猶復征戰。但使存心孝順。何必改衣服也。帝法駕御千人大帳。享敵人及其部落酋長三千五百人。賜物二千段。其下各有差。復下詔。褒寵之。賜路車乘馬。鼓吹幡旗。贊拜不名位在諸侯王上。帝親巡雲中。泝金河而東北。幸敵人所居。敵人奉觴上壽。跪伏甚恭。帝大悅。賦詩曰。鹿塞鴻旗駐龍庭。翠輦回壇帳。望風舉穹廬。向日開呼。韓頓願至屠耆接踵來。索瓣擎羶肉。韋韁獻酒盃。何如漢天子。空上單于臺。帝賜敵人及主金甕各一。及衣服被褥錦綵。特勒以下各有差。先是高麗私通使。敵人所。敵人不敢隱境外之交。是日持高麗使見。敕令牛弘宣旨。謂曰。朕以敵人誠長奉國故親至其所。明年當往涿郡爾。回曰。語高麗主。宜早來朝。使人甚懼。敵人乃扈從入塞。至定襄。詔令歸蕃。明年朝於東都。禮賜益厚。是歲疾終。上爲廢朝三日。其子吐吉立。是爲始畢可汗。表續尚公主。詔從其俗。十一年來朝於東都。其年車駕避暑汾陽宮。八月始畢。率其種落入寇。圍帝於雁門。援兵方至。始畢引去。由是朝貢遂絕。明年復寇馬邑。唐公擊走之。隋末亂離。中國人歸之者無數。遂大強盛。迎蕭后。置於定襄。薛舉竇建德王世充劉武周梁師都李軌高開道之徒。雖僭尊號。皆稱臣受其可汗之號。使者往來。相望於道。西突厥者。木杆可汗之子大邏便也。與沙鉢略有隙。因分爲二。漸以強盛。東拒都斤。西至龜茲。鐵勒伊吾及西域諸胡悉附之。大邏便爲處邏侯所執。其國立鞅素特勒之子。是爲泥利可汗。卒。子達漫立。

號泥撅處。邏可汗。其母向氏。本中國人。生達漫而泥利卒。向氏又嫁其弟婆實。特勒。開皇末。婆實。其向氏入朝。遇達頭之亂。遂留京師。每舍之鴻臚寺。處羅可汗居無恒處。終多在烏孫故地。復立二小可汗。分統所部。一在石國北。以制諸胡國。一居龜茲北。其地名應娑。官有俟發闥洪達。以評議國事。自餘與東國同。每五月八月聚祭神歲使重臣向其先世所居之窟致祭焉。當大業初。處羅可汗撫御無道。其國多叛。與鐵勒屢相攻。大爲鐵勒所敗。時黃門侍郎裴矩在敦煌。引致西域。聞其國亂。復知處羅思其母氏。因奏之。煬帝遣司朝謁者崔若肅。齋書慰諭之。處羅甚踞。受詔不肯起。君肅謂處羅曰。突厥本一國也。中分爲二。自相仇敵。每歲交兵。積十年。而莫能相滅者。明知敵人與處羅國。其勢敵耳。今敵人舉其部落。兵且百萬。入臣天子。甚有丹誠者。何也。但以切恨可汗。而不能獨制。故甲事天子。以借漢兵。連二大國。欲滅可汗耳。百官兆庶。咸請許之。天子弗違。師出有日矣。顧可汗母向氏。本中國人。歸在京師。處於賓館。聞天子之詔。懼可汗之滅。旦夕守闕哭甚悲哀。是以天子憐焉。爲其輶策。向夫人又匍匐謝罪。因請發使。以召可汗。令入內屬。乞恩於啟人。天子從之。遣使到此。可汗若稱藩。拜詔。國乃永安。而母得延壽。不然者。則向夫人爲誰。天子必當取戮。而傳首虜庭。發大隋之兵。資北蕃之衆。左提右挈。以擊可汗。死亡則無日矣。奈何惜兩拜之禮。斂慈母之命。恠一句稱臣。喪奴匈之國也。處羅聞之。瞿然而起。流涕再拜。跪受詔書。君肅又說處羅曰。啟人內附。先帝嘉之。賞賜極厚。故致兵強國富。今可汗後附。與之爭寵。頃深結於天子。自表至誠。既以遠道。未得朝覲。宜立一功。以明臣節。處羅曰。如何。君肅曰。吐谷渾者。啟人少子。莫賀咄設之母家也。今

天子又以義城公主妻於突厥。畏天子之威，而與之絕。吐谷渾亦因憾漢職貢不修，可汗若請誅之，天子必許。漢擊其內，可汗攻其外，破之必矣。然後自入朝，道路無阻。因見老母，不亦可乎？處羅大喜，遂遣使朝貢。帝將西狩六年，遣侍御史韋節召處羅，令與車駕會於大斗拔國。其國人不從，處羅謝使者辭以他故。帝大怒，無如之何。適會其酋長射匱，遣使來求婚。裴矩奏曰：「處羅不朝，恃强大耳。臣請以計弱之。分裂其國，即易制也。」射匱者，都六之子達頭之孫，世爲可汗。君臨西面，今聞其失職附隸於處羅，故遣使來以結援，願厚禮其使。拜爲大可汗，則突厥勢分兩矣。帝曰：「公言是也。」因遣裴矩朝夕至館，微諷諭之。帝於仁風殿召其使者，言處羅不順之意，稱射匱有好心。吾將立爲大可汗，令發兵誅處羅。然後當爲婚也。取桃竹白羽箭一枚，以賜射匱。因謂之曰：「此事宜速。」使疾如箭也。使者返路，經處羅，愛其箭，將留之。使者謫而得免。射匱聞而大喜，興兵襲處羅，大敗，棄妻子，將左右數千騎東走。在路，又被劫掠，遁於高昌東保。時羅漫山，高昌王麴伯雅上狀，遣裴矩將向氏親要左右馳至玉門關晉昌城，矩遣向氏使詣處羅所，論朝廷弭養之義。丁寧曉喻之，遂入朝。然每有怏怏之色。以七年冬，處羅朝於臨朔宮，帝享之。處羅稽首謝曰：「臣總西面諸蕃，不得早來朝拜。今叅見遲晚，罪責極深。臣心裏悚懼，不能盡道。」帝曰：「往者與突厥遞相侵擾，不得安居。今四海既清，與一家無異。朕皆欲存養，使遂性靈。譬如上天止有一箇日，照臨莫不寧帖。若有兩箇三箇日，萬物何以得安？比者亦知處羅總攝事繁，不得早來相見。今日見處羅懷抱豁然，歡喜處羅亦當豁然。不煩在意。明年元會，處羅上壽。」曰：「自天以下，地以上，日月所照，唯有聖人可汗。今是大日，願聖

人可汗。千歲萬歲。常如今日也。詔留其羸弱萬餘口。令其弟達度  
闕設牧事。會寧郡處羅從征高麗。號爲曷薩那可汗。賞賜甚厚。十  
年正月。以信義公主嫁焉。賜錦綵袍千具。綵萬匹。帝將復其故地。  
以遼東之役故。未遑也。每從行幸江都之亂。隨化及至河北。化及  
將敗。奔歸京師。爲北蕃突厥所害。

鐵勒之先。匈奴之苗裔也。種類最多。自西海之東。依山據谷。往往  
不絕。獨洛河北有僕骨同羅。韋乾拔也。古覆並號。俟斤蒙陳吐。如  
乾斯結渾斛薛等諸姓。勝兵可二萬。伊吾以西焉耆之北。傍白山。  
則有契弊薄落職乙。咥蘇婆那曷烏護乾骨也。咥於尼護等。勝兵  
可二萬。金山西南有薛延陁。咥勒兒十槃。達契等。一萬餘兵。康國  
北傍阿得水。則有訶哩曷截撥。忽比干。具海曷比悉。何嵯蘇拔也。  
末謁達等。有三萬許兵。得疑海東西。有蘇路羯。三素。咽篾促薩。忽  
等諸姓八千餘拂。東朮則有恩屈阿蘭。北禱九離。伏溫昏等。近二  
萬人。比海南則都波等。雖姓氏各別。總謂爲鐵勒。並無君長。分屬  
東西兩突厥。居無恒所。隨水艸流移。人性凶忍。善於騎射。貪婪尤  
甚。以寇掠爲生。近西邊者。頗爲藝植。多牛而少馬。自突厥有國。東  
西征討。皆資其用。以制北荒。開皇末。晉王廣。北征。納敵人。破步迦  
斂其物。又猜忌薛延陁等。恐爲變逆。集其魁帥數百人。盡誅之。由  
是一時反叛拒處羅。遂立俟利發。俟斤契弊歌鶻。爲易勿真。莫何  
可汗。居貪汗山。復立薛延陁內俟斤子也咥。爲小可汗。既敗。莫何  
可汗始大。莫何勇毅絕倫。甚得衆心。爲憐國所憚。卒吾高昌焉耆  
諸國。悉附之。其俗大抵與突厥同。唯丈夫婚畢。便就妻家。待產乳。  
男女然後歸舍。死者埋殯之。此其異也。大業三年。遣使貢方物。自

是不絕云。

論曰。四夷之爲中國患也。久矣。北狄尤甚焉。種落實繁。迭雄邊塞。年代遐邈。非一時也。五帝之世。則有獯鬻焉。其在三代。則猃狁焉。逮乎兩漢。則匈奴焉。當塗典午。則烏丸鮮卑焉。後魏及周。則蠕蠕突厥。此其酋豪相繼互爲君長者也。皆以畜牧爲業。侵抄爲資。倏來忽往。雲飛鳥集。皆智謀之士。議和親於廟堂之上。折衝之臣。論奮擊於塞垣之下。然事無恒規。權無定勢。親疎因其強弱。服叛在其盛衰。衰則欵塞頓頽。盛則率兵寇掠。屈伸異能。強弱相反。正朔所不及。冠帶所不加。唯利是視。不顧盟誓。至於莫相救護。驕黠憑陵。和親結約之謀。行師用兵之事。前史論之備矣。故不詳而究焉。及蠕蠕衰微。突厥始大。至於木杆。遂雄朔野。東極舊境。西盡烏孫之地。彎弓數十萬。別處於代陰。南向以臨周齊。二國莫之能抗爭。請盟好求。結和親。乃曰。與周合從。終亡齊國。隋文遷龐厥徒孔熾。負其衆力。將蹈秦郊。內自相圖。遂以乖亂。達頭可汗遠遁。敵人願保塞下。於是推亡固存。返其舊地。助討餘燼。部衆遂彊。卒於仁壽。不侵不叛。暨乎始畢。未虧臣禮。煬帝撫之非道。始有雁門之圍。俄屬羣盜並興。於此浸以雄盛。豪傑雖建名號。莫不請好息人。於是分置官司。總統中國。子女玉帛。相繼於道。使者之車。往來結轍。自古蕃夷驕僭。未有若斯之甚也。及聖哲應期。掃除氛祲。暗於時變。猶懷抗拒。率其羣醜。屢隳亭鄣。殘敗我雲代。搖蕩我太原。肆掠於涇陽。飲馬於渭汭。太宗文皇帝。奇謀內運。神機密動。遂使百世不羈之虜。一舉而滅。瀚海龍庭之地。盡爲九州。幽都窮髮之鄉。隸於編戶。寔帝皇所不及。書契所未聞。由此言之。雖天道有盛衰。亦人事之工拙也。加以爲而弗恃。有而弗居。類天地之含容。同陰陽之

化育斯乃大道之行也固無得而稱焉。

十七年十一月廿二日午前了

明本此卷識記曰癸巳三月二十六日燈下拉終北史列傳八十七卷正一百

三十七字

夢痕識

北史卷一百 鳴

序傳第八 十八 鳴

軍 鳴 軍

魏川中屬漢  
氏閩南開封

李氏之先出自帝顓頊高陽氏當唐堯之時高陽氏有才子曰庭堅爲堯大理以官命族爲理氏歷夏殷之季其後理徵字德靈隸爲翼隸中吳伯以直道不容得罪於紂其妻契和氏攜子利貞逃隱伊侯之墟食木子而得全遂改理爲李氏周時裔孫曰乾娶于益壽氏女嬰敷生子耳字伯陽爲柱下史子孫散居諸國或在趙或在秦在魏者爲段干大夫段干木其後也別孫悝爲魏文侯興富國之術焉在趙者曰曇以功封柏人武安君牧其後也在秦者名興族爲將軍生子伯祐建功北狄封南鄭公伯祐生二子平燕內德子信爲秦將虜燕太子丹信孫元曠仕漢爲侍中元曠弟仲翔位太尉仲翔討叛羌於素昌一名狄道仲翔臨陣殞命葬狄道

川。因家焉。史記李將軍傳所云。其先自槐里徙居成紀。實始此也。  
仲翔曾孫廣。仕漢。歷文景武三帝。位前將軍。立功沙漠。廣子當戶。  
椒敢。當戶子陵。戰歿匈奴。椒敢歷侍中郎中令。關內侯。生子禹。位  
至侍中。並事具漢史。禹生承公。承公生蜀郡太守先先生。長宗。長  
宗生博士況。況生孝廉本。本字上明。生巴郡太守次公。次公生臨  
淮太守軌。軌字逸文。生積弩將軍隆。隆字業緒。生雍。雍字儔熙。仕  
魏。歷尚書郎。濟北東莞二郡太守。雍生柔。柔字德遠。晉舉秀才。爲  
相國從事中郎。北地太守。雍生弇。字季子。高亮果毅。有智局。晉末  
大亂。與從兄卓。居相國晉王保下。卓位相國從事中郎。保。政刑不  
修。卓率宗族奔于張寔。弇亦隨焉。因仕於張氏。爲驍騎左監。弇本  
名良。妻姓梁氏。張駿謂弇曰。卿名良。妻又姓梁。令子孫何以目其  
舅氏。昔耿弇以弱年立功。啟中興之業。吾方賴卿。有同耿氏。乃使  
名弇歷天水太守。衛將軍封安西亭侯。卒年五十六。贈武衛將軍。  
建初中。追謚景公。子昶。字仲堅。幼有名譽。年十八而亡。建初中。追  
謚簡公。涼武昭王嵩。字玄盛。小字長生。簡公昶之子也。遺腹而誕。  
祖母梁氏。親加撫育。幼好學。性沈敏寬和。美器度。通涉經史。尤長  
文義。及長。頗習武藝。誦孫吳兵法。常與呂光太史令郭睿及其同  
母弟宋繇同宿。睿起謂繇曰。君當位極人臣。李君必有國土之分。  
家有騶黃馬。生白額駒。此其時也。及呂光之末。段業。自稱涼州牧。  
以昭王爲效穀令。而燉煌護軍馮翊。郭謙。沙州中從事。燉煌索仙  
等。以昭王溫毅有惠政。推爲寧朔將軍。燉煌太守。昭王初難之。會  
宋繇仕於業。告歸。言於昭王曰。兄忘郭睿言邪。白額駒。今已生矣。  
昭王乃從之。尋進號冠軍將軍。稱蕃于業。僭稱涼王。其右衛將軍  
索嗣。構昭王于業。乃以嗣爲燉煌太守。率騎而西。昭王命師擊走。

之於是晉昌太守唐瑤移檄六郡推昭王爲大都督大將軍涼公領秦涼二州牧護羌校尉依寶融故事昭王乃赦境內建元號庚子追崇祖考大開霸府置左右長史司馬從事中郎備置寮室廣闢土宇屯玉門陽關大田積穀爲東討之資立靖恭堂以議朝政閱武事焉圖讚自古聖帝明王忠臣孝子烈士貞女親爲序頌以明鑒誠之意當時文武羣公寮佐亦皆圖讚所志五年改元爲建初遣舍人黃始梁興間行歸表於晉是歲乃自燉煌徙都酒泉又以表未報復遣沙門法泉間行通表建鄴于時百姓樂業請勒銘酒泉乃使儒林祭酒劉彥明爲文刻石頌德又有白狼白兔白雀白雉白鳩等集于園間羣下以爲白祥金精所誕皆應時色而至又有神光甘露連理嘉禾衆瑞請史官記其事昭王從之上已日讌于曲水命羣寮賦詩昭王親爲之序於是寫諸葛亮訓誠以勗諸子焉昭王以緯世之量爲羣雄所奉兵無血刃遂啟霸業乃修燉煌舊塞薨謚曰武昭王廟號高祖陵號建世武昭王十子譚歆讓愔恂翻豫宏眺亮世子譚早卒後主諱歆字士業武昭王第二子也武昭王薨府寮奉爲都督大將軍涼公領涼州牧護羌校尉大赦境內改元爲嘉興尊母尹氏爲太后在位四年爲沮渠蒙遜所敗國亡武昭王以魏道武皇帝天興二年立後主以明元皇帝太常五年而亡據河右凡二世二十一年世子重耳奔於江左遂仕於宋後歸魏位弘農太守卽皇室七廟之始也後主弟讓字士遜雅量凝重善於謀略位寧朔將軍領西羌校尉輔國將軍晉燉煌太守新鄉侯贈驃騎大將軍謚曰穆讓弟愔字士正位晉昌燉煌太守愔弟恂字士如又有幹略位酒泉燉煌太守遇家國之難而終恂弟翻字士舉小字武疆英雄秀出有雄略位車騎將軍祚連

酒泉晉昌郡大守。翻弟豫字士寧。位西海太守。豫弟宏字士讚。位前將軍中華令。宏弟眺字士遠。位左將軍。眺弟亮字士融。位右將軍。寶字懷素。小字衍孫。晉昌太守翻之子也。沈雅有度量。驍勇善撫按。遇家難爲沮渠蒙遜。因於姑臧歲餘。與舅趙唐契北奔伊吾。臣於蠕蠕。其遺衆之歸附者。稍至二千。寶傾身禮接。甚得其心。衆皆爲之用。每希報雪。屬太武遣將討沮渠。無諱於燉煌。無諱。捐城遁走。寶自伊吾南歸燉煌。遂修繕城府。規復先業。遣弟懷達奉表歸誠。太武嘉其忠款。拜懷達散騎常侍。燉煌太守。別遣使授寶使持節侍中都督西垂諸軍事。鎮西大將軍。開府儀同三司。領護西戎校尉沙州牧。燉煌公。乃鎮燉煌四品已下聽承制假授真君五年。因入朝。遂留京師。拜外都大官。轉鎮南將軍。并州刺史。還除內都大官。文成初代司馬文鎮懷荒。改授鎮北將軍。太安五年薨。年五十三。詔賜命服一襲。贈以本官。謚曰宣。有六子。承茂輔佐公業。沖公業早卒。承字伯業。少有謀略。初寶欲歸款僚庶。多有異議。承時年十三。勸寶速定大計。於是遂決。寶仍令承隨表入賀。太武深相器異。禮遇甚優。賜爵姑臧侯。後遭父憂。居喪以孝聞。承應傳先封。以自有爵。乃以本封讓弟茂。時論多之。承方裕有鑒裁。爲時所重。文成末。以散侯出爲龍驤將軍。滎陽太守。爲政嚴明。甚著聲稱。延興五年卒。時年四十五。贈使持節大將軍。雍州刺史。謚曰穆。長子韶字元伯。學涉有器量。與弟彥虔。並孝文賜名焉。韶雅爲季父沖所知重。延興中。補中書學生。襲爵姑臧侯。除儀曹令。時修改車服。及羽儀制度。皆令韶典焉。遷給事黃門侍郎。後依例降侯。爲伯兼大鴻臚卿。黃門如故。孝文將創遷都之計。詔引侍臣訪以古事。韶對曰。洛陽九鼎舊所。七百攸基。地則土中。實均朝貢。惟王建。

國莫尚於此。帝稱善。遷太子右詹事。尋罷。左右仍爲詹事。肆州大中正。出爲安東將軍。兗州刺史。帝自鄴還洛。詔朝於路。帝言及庶人。恂事曰。卿若不出東宮。或未至此也。宣武初。徵拜侍中。領七兵尚書。除撫軍將軍。并州刺史。以從弟伯商同咸陽王禧之逆。免除官爵。久之。兼將作大匠。敕參定朝議律令。及呂苟兒反於秦州。除撫軍將軍。西道都督行秦州事。與右衛將軍元麗率衆討之。事平。即真。璵書勞勉。復其先爵。時龍右新經師旅。百姓多不安業。詔善撫納。甚得夷夏之心。孝明初。自相州刺史入爲殿中尚書行雍州事。後除中軍大將軍。吏部尚書。加散騎常侍。出爲冀州刺史。清簡愛人。甚收名譽。政績之美。聲冠當時。明帝嘉之。就加散騎常侍。遷車騎將軍。賜劔珮。貂羶各一具。駢驥馬一匹。并衣服寢具。詔以年父懸車。抗表遜位。優旨不許。轉定州刺史。常侍如故。及赴中山。冀父老皆送出西境。相聚而泣。一州境既連接。百姓素聞其德。州內大安。正光五年卒於官。年七十二。詔贈帛七百匹。贈使持節散騎常侍。車騎大將軍司空公。雍州刺史。謚曰文恭。旣葬之後。有冀州兵千餘人。戍於荊州。還經韶墓。相率培冢數日。方還。其遺愛如此。永安中。以憲定秦隴功。追封安城縣開國伯。邑四百戶。長子璵。字道璠。溫雅有識量。魏永平二年。釋褐太尉府行參軍。累遷尚書倉部郎中。後汝南王悅爲司州牧。悅性質疎冗。情識不倫。朝廷以此璵器望兼美。關於政事。擢爲悅府長史。兼知州務。甚得毗贊之方。因除司州別駕。遷光祿少卿。永安初。以本官兼度支尚書。襲封安城縣伯。又除司徒右長史。仍兼尚書。及遷都於鄴。留璵於後。監掌府藏。及撤運宮廟材木。以明幹見稱。加征南將軍。金紫光祿大夫。尋兼給事黃門侍郎。監典書事。出爲東徐州刺史。爲政清靜。人吏

懷之解州還。以老疾不求仕進。齊受禪。追璵。兼前將軍導從於圜丘行禮。又攝護軍陪神武神主入太廟。璵意不願策名兩朝。雖以宿德耆舊被徵。過事卽絕。朝請文宣亦曾命璵預華林宴。顧訪舊事甚重之。天保四年卒。年七十二。子詮。字世良。任城郡守。贈涇州刺史。子伯卿。太師府參軍事。伯卿子師上。聰敏好學。雅有詞致。外祖魏收無子。惟有一女。生師上。甚愛重之。童亂便自敍屬文。有名於世。後與范陽盧公順俱爲符璽郎。待詔文林館。與博陵崔君洽同志友善。從駕晉陽。寓居僧寺。朝士謂之康寺三少。爲物論推許。若此隋煬帝居蕃。奏爲王府記室。終於楊州。詮弟謐。字世安。位高陽郡守。司農卿。安州刺史。謐子千學。齊武平中。尚神武女浮陽長公主。拜駙馬都尉。南青州刺史。謐弟誦。字世業。位假儀同三司。臨漳令。誦弟世醜。太子舍人殿中郎。璵子孫繁衍。時人號其宅爲孝東徐村。與弟瑾。字道瑜。美貌有才學。特爲詔所鍾愛。清河王懼甚。知賞之。懼爲司徒辟。參軍事。轉著作郎。稍遷通直散騎侍郎。與給事黃門侍郎王遵業。尚書郎盧觀。典修儀注。王盧卽瑾之外兄。臨淮王或謂瑾等三雋共掌帝儀。可謂舅甥之國。及明帝崩。上謚策文。瑾所製也。莊帝初。於河陰遇害。年三十九。贈冠軍將軍。齊州刺史。子產。之字孫儻。容貌短陋。而撫訓諸弟。愛友篤至。其舅盧道將稱之曰。此兒風調足爲李公家孫。位北豫州司馬。子仲膺。字公祀。以學行稱。位太子洗馬。仕周爲東京少吏部上士。隋開皇中。卒於荊州總管司馬。產之弟儻。之字曼容。清通好文學。齊天保初。歷太子洗馬。行陽翟郡守。爲政清靜。吏人稱之。遷尚書考功郎中。遇文宣昏縱。見害。時人冤之。儻之弟壽之。位梁州中從事。性貞介。不負於人。壽之弟禮之。位司徒騎兵參軍。與妻鄭氏相重。妻先亡。遺

言終不獨死。未幾，禮之脚上發腫，夢妻云：「煮小麥漬之，卽差。」如其言，反創而卒。禮之弟行之，字義通，小字師子，簡靜，善守門業，多識前言，往行而不以文學自名。居喪盡禮，與兄弟深相友愛。仕齊，歷位都水使者、齊郡太守、帶青州長史。任城王敬憚之，州人號曰李御史。仕周爲冬官府司寺下大夫。隋開皇初，封固始男。除唐州下溠郡太守，稱疾不行。卒，行之風素夷坦，爲士友所稱。其舅子盧思道深所愛好，常贈詩云：「水衡稱逸人，潘揚有世親。形骸預冠蓋，心思出鶩塵。」時人以爲實錄。及疾，內外多爲求醫。行之曰：「居常待終，口授墓誌，以紀其志。」曰：「隴西李行之。」以某年某月，終於某所。年將六紀。官歷四朝，道叶希夷，事忘可否。雖碩德高風，有領先構，而立身行已，無愧夙心。以爲氣變則生，生化曰死。蓋生者，物之用；死者，少有風望，位司徒主簿。卒，贈太常少卿。子士芳，有雅望，位高都太守。燮弟爽，字德明。弟充，字德廣。弱冠，太學博士。大將軍蕭寶夤，西討德廣，爲行臺郎。募衆而征，戰接乃手刃仇人，啖其肝肺，覺寶夤有異志，挺身歸闕，朝廷加爵，辭而不受。寶夤遂於方俟醜奴同反。大行臺爾朱天光討之，請德廣爲從事中郎。天光用其計，遂定秦隴。以功除中散大夫。痛父非命，終身不食酒肉。妹夫盧元明嗟重之，子士英有文才，王遵業以女妻之。次僧伽修整篤業，不應辟命。時鄭子默有名於世，僧伽曰：「行不適道，文勝其質。」郭林宗所謂牆高基下，雖得必喪。此之徒也。竟如其言。尚書袁叔德來候僧伽，先減僕從，然後入門。曰：「見此賢，令吾羞對軒冕。」及卒，叔德爲懷舊詩曰：「平生寡俗累，終身無世言。」其見重如此。僧伽弟法藏，內清介，位員外郎。德廣弟德顯，位散騎侍郎。贈東秦州刺史。德顯弟德明，敦

大乘賊

重有器局。位高陽太守。贈光祿少卿。光州刺史。彥弟虔。字叔恭。太  
和初爲中書學生。遷祕書中散。轉冀州驃騎府長史。太子中舍人。  
宣武初遷太尉從事中郎。出爲清河太守。屬京兆王愉反。虔棄郡  
奔闕。宣武聞虔至。謂左右曰。李虔在冀州日久。恩信著物。今拔難  
而來。衆情自解矣。乃授虔別將。令軍前慰勞。事平。轉長樂太守。延  
昌初。冀州大乘賊起。令虔以本官爲別將。與都督元遙討平之。遷  
後將軍。燕州刺史。還爲光祿大夫。加平西將軍。兼大司農。出爲散  
騎常侍。安東將軍。兗州刺史。追論平冀州之功。賜爵高平男。還京。  
除河南邑中正。遷領軍將軍。金紫光祿大夫。孝莊初。授特進車騎  
大將軍儀同三司。散騎常侍。又進號驃騎大將軍。太尉公。都督冀定瀛  
永安三年薨。年七十四。贈侍中。驃騎大將軍。太尉公。都督冀定瀛  
三州諸軍事。冀州刺史。謚宣景。長子喚。字仁明。位尚書左外兵郎。  
三州諸軍事。冀州刺史。謚宣景。長子喚。字仁明。位尚書左外兵郎。  
人之終有何憂喜於其間哉。乃爲銘曰。人生若寄。視死如歸。茫茫  
大夜。何是何非。言終而絕。二子夷道。行之弟凝之。字惠堅。光州中  
從事。非其所好。僥俛而就。秩滿徑還。冀州棗。強野舍。凝之明本艸  
藥性。恒以服餌自持。雖年將耄及。而志力不衰。篤好古文。精心典  
禮。以之終老。未嘗懈倦。清仁壽中。卒。產之兄弟。並有器望。邢子才。  
爲禮之墓誌云。食有奇味。相待乃殮。衣無常主。易之而出。時以爲  
實錄。諸婦相親。皆如姊妹。舊之死。諸弟不避。當時凶暴。行喪極哀。  
趙郡李榮來弔之。歎曰。此家風範。海內所稱。今始見之。真吾師也。  
欲與連類。卽日自名勞之。瑛弟璿。字道璋。少有風尚。辟司徒參軍  
事。卒。贈漢陽郡太守。子修。年開府參軍。早亡。韶弟彥。字次仲。有學  
業。孝文初。舉秀才。除中書博士。轉諫議大夫。後因考課降爲元士。  
尋行主客曹從事。郊廟下大夫。時朝儀典掌。咸末周備。彥留心考

定號爲稱職。孝文南伐，彥諫曰：「臣以爲蕞爾江閩，未足親勞鑾駕。頻表雖不見納，而以至誠見嘉。及六軍次於淮南，徵爲廣陵王羽長史。加恢武將軍、西翼副將軍。還除冀州趙郡王幹長史。轉青州廣陵王羽長史。帶齊郡太守。徵爲龍驤將軍司徒右長史。左長史。秦州大中正。出行揚州事。尋徵拜河南尹。還至汝陰，復敕行徐州事。尋徵拜平北將軍、平州刺史。遷平東將軍、徐州刺史。延昌二年夏，大霖雨，川瀆皆溢。彥相水陸形勢，隨便疏通，得無淹瀆之害。朝廷嘉之。頻詔勞勉，入爲河南尹。遷金紫光祿大夫、光祿勲。轉度支尚書。出爲撫軍將軍、秦州刺史。時破六韓拔陵等反於北鎮。二夏幽涼，所在蜂起。而彥刑政甚嚴。正光五年六月，城人薛珍、劉慶、杜超等因四方離叛，突入州門。害彥，推其黨莫折大提爲帥。永安中，追贈侍中、驃騎大將軍司徒公。雍州刺史。謚曰孝貞。子燮，字德誥。

莊帝初，於河陰遇害。年四十。贈度支尚書、安東將軍、青州刺史。子襄，章武郡守。襄弟奭，汲郡守。並以幹局見知。奭弟仁曜，位員外散騎侍郎。太尉錄事參軍。與兄煦，同於河陰遇害。年三十八。贈散騎常侍、左將軍、兗州刺史。子撝，字道熾。學尚有風儀。魏武定中，司空長流參軍。齊天保末，爲尚書郎。終於光州司馬。仁曜，弟暉，字仁昭。位散騎侍郎。亦遇害河陰。贈征虜將軍、涼州刺史。子士元、士操。武定中，並儀同開府參軍事。暉弟蕤，字延賓。歷部兵校尉、東郡太守。司農少卿。卒贈龍驤將軍、豫州刺史。子諺，字義興。有幹局。起家太學博士。領殿中侍御史。稍遷東郡太守。莊帝初，濟、廣二州刺史。加散騎常侍、節閔時。與第三弟通直散騎常侍義真、第七弟太常少卿義邕，同爲爾朱仲遠所害。義邕，莊帝居藩之初，以外親甚見親昵。及卽位，特蒙信任。爾朱榮之誅，義邕預其事。

由是並及禍節。閔初，諺贈侍中、驃騎將軍、吏部尚書、冀州刺史。義真贈前將軍齊州刺史。義邕贈安東將軍青州刺史。諺次弟義順司空屬第四弟義遠國子博士。莊帝初，並於河陰遇害。贈散騎常侍、征東將軍、雍州刺史。承弟茂字仲宗，文成末襲父爵鎮西將軍。敦煌公孝文初除長安鎮都將，轉西汾州刺史。將軍如故。入爲光祿大夫。歷西兗州刺史。例降爲侯。茂性謙慎，以弟冲寵盛，懼於盈滿，以疾求遜位。孝文不奪其志。聽食大夫祿，還私第。因居中山。自是優遊里舍，不入京師。卒年七十一。謚曰恭侯。子靜字紹安，襲位東平原太守。卒。子遐字智遠，襲遐有几案才，位河內太守。從孝莊南度河，於河陰遇亂兵所害。事寧，追贈散騎常侍、車騎大將軍。尚書右僕射秦州刺史。封盧鄉伯。靜弟孚字仲安，恭愼篤厚。歷汝南中山二郡太守。孝莊初，以外親超撫軍將軍金紫光祿大夫。出爲鎮東將軍、滄州刺史。加散騎常侍。孚弟安粗涉書史，位北海王顥撫軍長史。顥爲關西都督，復引爲長史。委以戎政。卒於軍。贈征虜將軍涼州刺史。茂弟輔字叔直，有器望，解褐中書博士，遷司徒議曹掾。太和中，孝文爲咸陽王禧納其女爲妃。除鎮遠將軍、潁川太守。帶長社戍輔綏懷招集，其得邊和卒於郡。贈征虜將軍秦州刺史。謚曰襄武侯。長子伯尚，少有重名。弱冠除祕書郎。孝文每云：此李氏之千里駒。稍遷通直散騎侍郎。敕撰太和起居注。宣武初，兼給事黃門侍郎。坐與咸陽王禧謀反，誅。伯尚弟仲尚，儀貌甚美。少以文學知名。年二十，著前漢功臣序讚，及季父司空沖謨高聰，邢巒見而歎曰：後生可畏，非虛言也。起家京兆王愉府參軍。坐兄事賜死。仲尚弟季凱沈敏有識量。坐兄事，母弟俱徙邊，久之會赦免。遂寓居晉陽。沈廢積年，後歷位并州安北府長史。孝明崩，余朱

神雋

榮陰圖義舉。季凱預謀及莊帝踐祚徵拜給事黃門侍郎封博平縣侯加散騎常侍祕書監中軍將軍後除朱世隆以榮之死謂季凱通知於是見害孝武初追贈侍中驃騎將軍吏部尚書定州刺史季凱弟延慶位陳留太守金紫光祿大夫延慶弟延度衛將軍安德太守輔弟佐字季翼有文武才幹孝文初兼散騎常侍使高麗以稱旨還拜常山太守真定縣子遷懷州刺史進爵山陽侯加安南將軍河內公轉相州刺史所在有稱績後拜安遠將軍敕與征南將軍城陽王鸞安南將軍盧陽烏等攻赭陽各不相節度諸軍以敵強故班師佐逆戰爲賊所敗坐徙瀛州車駕征宛鄧復起佐假平遠將軍統軍以功封涇陽縣子沔北既平以佐爲廣陽王嘉鎮南府長史加輔國將軍別鎮新野及大軍凱旋孝文執佐手曰沔北洛陽南門卿勉爲朕善守孝文崩遺敕以佐行荊州事佐在州威信大行邊人悅附前後歸者二萬許家尋正刺史宣武初徵兼都官尚書卒年七十一贈秦州刺史謚曰莊子遵襲遵豪爽有父風卒於司空司馬贈洛州刺史子果襲位司空諮議參軍坐通西魏見殺遵弟柬字休賢郡辟功曹以父憂去職遂終身不食酒肉因屏居鄉里司空任城王澄嘉其操尚以爲參軍事累遷濟州刺史卒贈殿中尚書相州刺史柬弟挺字神雋小名提少以才學知名爲太常劉芳所賞歷位中書侍郎太常少卿荊州刺史時梁將曹敬宗來寇攻圍積時又引水灌城城不沒者數板神雋循撫兵入戮力固守詔遣都督崔暹別將王熊裴衍等赴援敬宗退走時寇賊之後城外有露骸神雋令收葬之徵拜大司農孝明末除鎮軍將軍行相州事時葛榮南逼神雋憂懼乃故墜馬傷足仍停汚郡有詔追還莊帝卽位以神雋人望拜散騎常侍殿中尚書

追論固守荊州功。封千乘縣侯。轉中書監。吏部尚書。神雋意尚風流。情在推引人物。余朱榮有所用人。神雋不從。見怒懼。啟求解官。除右光祿大夫。尋屬余朱兆入京。乘輿幽執。神雋遂逃人間。孝武初。歸闕。拜散騎常侍。驃騎大將軍。左光祿大夫。儀同三司。孝靜初。除驃騎大將軍。華州刺史。入爲侍中。薨。年六十四。贈尚書左僕射。司徒公雍州刺史。神雋風韻秀舉。博學多聞。朝廷舊章。及人倫氏族。多所諳記。篤學好文。雅老而不輟。凡所交遊。皆一時名士。汲引後生。爲其光價。四方才子。咸宗附之。滎陽鄭伯猷。常云。從舅爲人物宗主。在洛京時。琅邪王誦。亦美神雋。故名其子。曰雋。庶其似之。梁武帝雅重其名。常云。彼若遣李神雋來聘。我當令劉孝綽往。其見重如此。頸多鼠乳。而性通率。不持檢度。至於少年之徒。皆與裹狎。比遷鄴。於路見狗。溫子昇戲曰。爲是宋鵠。爲是韓盧。神雋曰。爲逐丞相東走。爲共帝女南徂。沙苑之敗。神雋策眇馬而走。曰。丁掾力。馬倒。曰。丁掾誤我。其不拘若此。既不能方重識者。以此爲譏喪。二妻。又欲娶鄭嚴祖妹。神雋之從甥也。盧元明。亦將爲婚。遂至紛競。二家鬭於嚴祖之門。鄭卒歸元明。神雋惆悵不已。時人以神雋爲鳳德之衰。沖字思順。承少弟也。本名思冲。孝文改焉。少孤。爲承訓養。承常言。此兒器量非恒。方爲門戶所寄。冲雅有大量。隨兄至滎陽。特牧守子弟。多侵亂人庶。輕有乞奪。冲與承長子韶。獨清簡皎然。無所求取。時人美焉。獻文末。爲中書學生。冲善交遊。不妄戲雜流輩。重之。孝文初。以例遷祕書中散。典禁中文字。以修敕敏慧。漸見寵待。遷內祕書令。南部給事中。舊無三長。唯立宗主。主督護。所以多隱冒。五十三家。方爲一戶。冲以三正所由來遠。於是創三長之制。上之。文明太后覽而稱善。引見公卿議之。羣臣多有不同。

太后曰。立三長。則課有常準。賦有常分。包蔭之戶可出。僥倖之人可止。何爲不可。詞議雖有乖異。然惟以變法爲難。更無異議。遂立三長。公私便之。遷中書令。加散騎常侍。給事中。如故。尋轉南部尚書。賜爵順陽侯。沖爲文明太后所幸。恩寵日盛。賞賜月必數千萬。進爵隴西公。密致珍寶服御。以充其第。外人莫得而知。冲家素清貧。於是室富。而謙以自牧。積而能散。近自姻族。逮於鄉閭。莫不分及。虛己接物。垂念羈寒。衰舊淪屈。由之躋叙者。亦以多矣。時以此稱之。初。冲兄佐。與河南太守來崇。同自涼州入國。素有微嫌。佐因構成崇罪。餓死獄中。後崇子護。爲南部郎。深慮爲冲陷。常求退避。冲每慰撫之。護後坐贓罪。懼必不濟。冲具奏與護本末。嫌隙乞原恕之。遂得不坐。冲從甥陰始孫。貧來冲家。至如子姪。有人求官。因其納馬於冲。始孫輒受而不言。後假方便。借冲此馬。主見冲乘馬。而不得官。後自陳首。始末。冲聞大驚。執始孫以狀。欵奏。始孫坐死。其處要自厲。不念愛惡。皆此類也。時循舊王公重臣。皆呼名。孝文帝謂冲爲中書。而不名之。文明太后崩後。孝文居喪。引見待接。有加。及議律令。潤飾辭旨。刊定輕重。孝文雖自下筆。無不使訪焉。冲竭忠奉上。知無不盡。出入憂勤。形於顏色。雖舊臣戚輔。莫能逮之。俱服其明斷慎密。而歸心焉。於是天下翕然。及殊方聽望咸宗奇之。孝文亦深相仗信。親敬彌甚。君臣之間。情義莫二。及置百司。開建五等。以冲參定典式。封榮陽侯。拜廷尉卿。遷侍中。吏部尚書。咸陽王師東宮建。拜太子少傅。孝文初。依周禮制夫嬪之列。以冲女爲夫人。及營明堂。詔冲領將作大匠。與司空長樂公亮。共監興繕。車駕南伐。加沖輔國大將軍。統衆翼從。自發都至洛陽。霖雨不霽。仍詔六軍發軾。孝文戎服執鞭。御馬而出。羣臣稽颡於馬首之前。

孝文曰。今大軍將邁。公等更欲何云。沖進請曰。發都淫雨。士馬困弊。矜喪反旆。於義爲允。孝文曰。已至於此。何容停駕。沖又進曰。今日之舉。天下所不願。敢以死請。孝文大怒。曰。方欲經營宇宙。而卿等儒生。屢疑大計。斧鉞有當。卿勿復言。策馬將出。大司馬安定王休。兼左僕射任城王澄等。並殷勤泣諫。孝文仍喻羣臣曰。今者興動不小。勤而無成。何以示後。若不南鑾。卽當移都於此。光宅土中。幾亦時矣。王公等以爲何如。議之所決。不得旋踵。欲遷者左。不欲遷者右。安定王休等相率如右。前南安王禎進曰。愚者闇於成事。智者見於未行。見至德者。不議於俗。成大功者。不謀於衆。非常之事。廓神都以延王業。都中土以制帝京。周公啟之於前。陛下行之於後。固其宜也。請上安聖躬。下慰人望。光宅中原。輟彼南伐。此臣等之願。亦蒼生幸甚。羣臣咸唱萬歲。孝文初謀南遷。恐衆心戀舊。乃示爲大舉。因以脇定羣情。外名南伐。其實遷也。舊人懷土。多所不願。內憚南征。無所言者。於是定都洛陽。尋以沖爲鎮南將軍。侍中少傅如故。委以營構之任。改封陽平郡侯。車駕南征。以沖兼左僕射。留守洛陽。遷尚書左僕射。仍領少傅。改封清泉縣侯。及太子恂廢。沖罷少傅。孝文引見公卿於清徽堂。曰。今徙極中天。劄居嵩洛。雖大構未成。要自條紀略舉。但南有未賓之賢。兼兒蠻密邇朕。取南之計。決矣。所行之謀。必定頃來。陰陽卜術之士。咸勸朕。今征必尅。此旣家國大事。宜其君臣各盡所見。沖曰。征戰之法。先之人事。然後卜筮。卜筮雖吉。猶恐人事未備。京師始遷。衆業未定。加之征戰。以爲未可。帝曰。僕射之言。非爲不合。朕意然咫尺寇戎。無以自安。理須如此。若待人事備。復非天時。將如之何。如僕射之言。便終無征理。沖機敏有巧思。北京明堂。圓丘。太廟。及洛都初基。安處。

郊兆新起宮寢皆資於沖勤志強力孜孜無怠且理文簿兼營近制凡案盈積剖刷在前初不勞歟也然顯貴門族榮益六姻兄弟子姪皆有官爵一家歲祿萬匹有餘年纔四十而鬢髮班白姿貌甚美未有衰狀李彪之入京也孤微寡援而自立不羣以沖好士傾心宗附冲亦重其器學禮而納焉每言之於孝文公私共相援益及彪爲中尉尚書爲孝文知待便謂非復藉冲更相輕背唯公坐斂袂而已無復宗敬之意冲頗銜之後孝文南征冲與吏部尚書任城王澄並以彪倨傲無禮遂禁止之奏其罪狀冲手自作表家人不知辭甚激切因以自効孝文覽其表嗟歎久之既而曰道固可謂隘也僕射亦爲滿矣冲時震怒數責彪前後憊悸瞋目大呼投折几案盡收御史皆泥首面縛大罵辱詈冲素性溫柔而一朝暴恚遂發病荒悸言語亂錯猶扼腕叫詈稱李彪小人醫藥所不能療或謂肝藏傷裂旬餘日卒時年四十九孝文始聞冲病狀謂右衛宋弁曰僕射執我樞衡總釐朝務使我無後顧之憂一朝忽有此患朕甚愴懷及聞冲卒爲舉哀於縣瓠發聲悲泣不能自勝詔書褒述其美曰百謂國之賢也朝之望也於是贈司空公給東園祕器一具衣一襲贈錢三十萬布五百匹蠟二百斤有司奏謚曰文穆葬於覆舟山近杜預冢孝文之意也後車駕自鄴還洛路經沖墓左右以聞孝文臥疾望墳掩涕久之遣太常致祭及與留京百官相見皆叙沖亡沒之故言及流淚其相痛惜如此子延寔字禧性溫良少爲太子舍人宣武初襲父爵清泉縣侯莊帝卽位以母舅之尊超授侍中太保封濮陽郡王延寔以太保犯祖諱又以王爵非庶姓所宜抗表固辭徙封濮陽郡公改授太傅尋轉司徒公出爲使持節侍中太傅錄尚書事東道大行臺都督青州

刺史。尔朱兆入京。乘輿幽繫延寔。以外戚見害於州館。孝武帝初。反塋洛陽。贈使持節侍中太師太尉公錄尚書事都督雍州刺史。謚曰孝懿長子或字子文。尚莊帝姊豐亭公主封東平郡公。位侍中左光祿大夫中書監驃騎大將軍開府儀同三司廣州刺史。或性豪俠。尔朱榮之死也。武毅之士皆或所進。孝靜初。陷法見害。尋詔復公爵。子道端襲或七子。並彭城王勰女豐亭公主所生。以道德仁義禮智信爲名。第四子義雄有識悟勤學。手不釋書。仕齊位瑯琊郡守。義雄弟禮成最知名。禮成字孝諧。年七歲與姑之子蘭陵太守榮陽鄭顥隨魏武帝入關。顥母每謂人曰。此兒平生未嘗回顧。當爲重器。及長沈深有行檢。不妄通賓客。在魏歷著作郎太子洗馬員外散騎常侍。周受禪拜平東將軍散騎常侍。于時貴公子皆競習弓馬。被服多爲軍容。禮成雖善騎射。而從容儒服。不失素望。後以軍功拜車騎大將軍儀同三司。賜爵修陽侯。拜遷州刺史。時朝廷有所徵發。禮成度以蠻夷不可擾。擾必爲亂。上表固諫。武帝從之。伐齊之役。從帝圍晉陽。齊將席毗羅精兵拒帝。禮成力戰擊退之。加開府。進封冠軍縣公。歷北徐州刺史戶部中大夫。禮成妻竇氏早沒。知隋文帝有非常之表。遂聘帝妹爲繼室。及帝爲丞相。進位上大將軍。遷司武上大夫。委以心膂。及受禪拜陝州刺史。進封絳郡公。賞賜優洽。累遷襄州總管。左大將軍。時突厥屢爲寇患。緣邊要害多委重臣。由是拜寧州刺史。以疾徵還京。終於家。子世師。位度支侍郎。禮成弟智源有器量。仕齊卒於高都郡守。智源弟信則方雅廉慎。齊武平中位南陽王大司馬屬。信則形短。中書侍郎頓丘李若戲之曰。弟爲府屬可謂名以定體。信則曰。名以定體。豈過劣弱。尋除尚書倉部郎中。入周爲東京司門下大夫。隋

開皇中卒於沔州刺史。或弟彬字子儒。其父延實既別封彬襲祖爵清泉縣侯位中書侍郎卒於左光祿大夫贈驃騎大將軍光祿勳齊州刺史謚曰獻子桃杖襲彬弟彰位通直散騎侍郎從父在青州同時遇害贈左將軍瀛州刺史延寔弟休纂小字鍾羌頗有父風位終太子舍人贈驃騎大將軍尚書令司徒公雍州刺史追封樂涫縣公後進封高陽郡公子昂襲昂魏末爲廣平郡太守齊天保中卒於光祿卿昂子道隆有才識明剖斷仕齊位并省尚書左丞隋開皇中爲尚書比部侍郎休纂弟延孝位尚書屯田郎中公韶從弟仲遵有器業彭城王勰爲定州請爲定州開府參軍累遷營州刺史時四方州鎮逆叛相續營州城內咸有異心仲遵單車赴州及至與大使盧同以恩信懷安帖後明帝又遣詔盧同爲行臺北出慰勞同疑人情難信聚兵將往城人劉安定就德興等先有異志謂欲圖已逐仲遵害之韶從祖抗自涼州渡江左仕宋歷晉壽安陸東萊三郡太守抗子思穆字叔仁有度量善談論工艸隸爲當時所談太和十七年攜家男自漢中歸魏位都水使者及車駕南伐以本官兼直閣將軍從平南陽以功賜爵樂平子宣武踐祚進爵爲伯累遷京兆內史在郡八年頗有政績卒於營州刺史贈安東將軍華州刺史有子十四人嫡子斌襲位散騎侍郎早卒斌兄獎字道休爲莊帝所親超贈思穆衛將軍中書郎兼散騎常侍聘梁使主黃門郎司徒左長史行瀛州事齊天保初兼侍中冀瀛滄三郡大使觀察風俗還拜魏尹卒贈齊州刺史中書令子瓊位中書舍人黃門郎韶族弟琰之字景珍小字墨蠡

少知名號。曰神童。從父沖雅所歎異。每曰。興吾宗者。其此兒乎。恒資給所須。愛同已子。弱冠舉秀才不行。曾遊河內北山。便欲有隱遁意。會彭城王勰辟爲行軍參軍。苦相敦引。沖又遣信喻之。久乃應召。尋爲中尉李彪啟兼著作佐郎。修撰國史。稍遷國子博士。領尚書儀曹郎中。轉中書侍郎。司農少卿。黃門郎。修國史。遷國子祭酒。轉祕書監。兼七兵尚書。遷太常卿。孝莊初。太尉元天穆。北討葛榮。以琰之兼御史中尉。爲北道軍司。還除征東將軍。仍兼太常。出爲衛將軍。荊州刺史。兼尚書左僕射。三荆二郢大行臺。尋加散騎常侍。琰之雖以儒素自業。而每語人言。吾家世將種。猶有關西風氣。及至州之後。太好射獵。以示威武。余朱兆入洛。南陽太守趙修延。以琰之莊帝外戚。誣琰之規奔梁國。襲州城。遂被囚執。修延仍自行州事。城內人斬修延。還推琰之釐州任。孝武初。徵兼侍中。車騎大將軍。左光祿大夫。儀同三司。永熙二年薨。朝廷悼惜之。贈侍中。驃騎大將軍。司徒公。雍州刺史。謚曰文簡。琰之少機警。善談論。經史百家。無不悉覽。朝廷疑事。多所訪質。每云。崔博而不精。劉精而不博。我旣精且博。學兼二子。謂崔光。劉芳也。論者許其博。未許其精。當時議咸共宗之。又自誇文章。從姨兄常景笑而不許。每休閑之際。恒閉門讀書。不交人事。常謂人曰。吾所以好讀書者。不求身後之名。但異見異聞。心之願也。是以孜孜搜討。欲罷不能。豈爲身名。疾勞世人也。此乃天性。非爲力強。前後再居史事。無所編緝。安豐王延明。博聞多識。每有疑滯。常就琰之辨析。自以爲不及也。二子綱慧並從孝武帝入關。綱位宜州刺史。儀同三司。子充節少慷慨。有英略。隋開皇中。頻以行軍總管。擊突厥。有功。位上柱國。武陽郡公。朔州總管。甚有威名。爲虜所憚。後有人譖其謀反。徵還。

曉

情實

京師上怒之充節素剛憂憤卒子大亮曉字仁略太尉虔之子也少有簡素博涉經史早有時譽釋褐員外郎散騎侍郎余朱榮之立孝莊曉兄弟四人與百僚俱將迎焉其夜曉衣冠爲鼠噬不成行而免其上三兄皆遇害曉乃攜諸猶子微服潛行避難東郡行至成皇爲滎陽令天水閻信所疑辟易左右謂曉曰觀君儀貌豈是常倫古人相知未必在早必有急難須悉心以告天下豈獨北海孫賓碩乎曉以信有長者之言乃具告情實信乃厚相資給以免永安初授輕車將軍尚書左右主客郎仍轉征虜將軍中散大夫又除前將軍人中大夫天平初遷都于鄴曉便寓居清河依從母兄崔陵鄉宅陵給良田三十頃曉遂築室居焉時豪右子弟悉多驕恣請託暴亂州郡不能禁止曉訓勗子弟咸以學行見稱時論以此多之曉自河陰家禍之後屬王途未夷無復宦情傅在名級而已及遷都之後因退私門外兄范陽盧叔彪勸令出仕前後數四確然不從武定末齊文襄嗣事高選察采召曉及前開府長史房延祐並爲外兵郎後徙平西將軍太尉府諮議參軍事除頓丘太守天保中頻歷廣武東二郡太守所在有惠政爲吏人所懷卒於郡年五十九贈本官將軍海州刺史三子伯山仲舉季遠超字仲舉以字行於世性方雅善制白皙美鬚眉高簡宏達風調疎遠博涉經史不守章句業至於吉凶禮制親表咸取則焉弱冠仕齊爲襄城王大司馬參軍事時尚書左僕射元文遙以令長之徒率多寒賤奏請革選妙盡高資仲舉與范陽盧昌衡等八人同見徵用以仲舉爲司州修武令仲舉莅以寬簡吏人號曰寬明于時昌衡爲平恩令百姓號曰恩明故時稱盧李恩寬之政武平初持節使南定州人並是蠻左接帶邊境仲舉具宣朝旨邊服清謐朝

仲舉

當補何字

廷大嘉之還授晉州別駕及周師圍晉州外無救援行臺左丞侯子欽內圖離貳欲與仲舉謀憚其嚴正將言而止者數四仲舉揣知其情乃謂之曰城危累卵伏賴於公今之所言想無他事欲言而還中止也子欽曰告急官軍永無消息勢之危急旦夕不謀意欲不坐受夷戮歸命有道於公何如仲舉正色曰僕射高氏恩德未深公於皇家沒齒非答臣子之義固有常道何至今日翻及此言子欽懼泄夜投周軍城尋破周將梁士彥素聞仲舉名引與言及時事仲舉曰世居山東受恩高氏今國維不張遠勞師衆不能死於臣道豈敢干非其議士彥曰百里左車不無前事想亦得之見逼不已仲舉乃曰今者官軍遠來方申弔伐當先德澤遠示威懷明至聖之情弘招納之略令所至之所歸誠有地所謂王者之師征而不戰也士彥深以爲然並相知重初城敗之後公私蕩然軍人簿帳悉多亡毀戶口倉儲無所憑據事無大小士彥一委仲舉推尋當絲髮無遺於軍用甚有助焉鄴城平仍將家隨例入關仲舉以親故流離情不願住妻伯父京兆尹博陵崔宣猷留不許去固辭乃得還鄴尋有詔素望舊資命州郡勒送仲舉懼嚴命而至補秋官賓部上士深乖情願乃取急言歸隋開皇中秦王俊鎮洛州召補州主簿友人蜀王府記室范陽盧士彥謂仲舉曰丈人往經徵辟每致推辭何爲徒勞之任忽爾降德仲舉笑曰屈伸爲隆州錄事參軍尋以疾歸以琴書自娛優遊賞逸視人世蔑如也會朝廷舉士著作郎王邵又舉以應詔以前致推遷爲責除冀州清江令未幾又以疾還後以資例受帥都督洛陽令彭城劉逸人謂仲舉曰君之才地遠近所知久病在家恐妨時論且爲武職

差若自安。仲舉曰：吾性本疎懶，少無宦情。豈以垂老之年，求一階半級？所言武職，桂徐君墓樹耳。竟不起。終於洛陽永康里宅。時年六十三。當世名賢，莫不傷惜之。二子大師、行師。大師字君威，幼而爽悟，神情警發，標格嚴峻。人並敬憚之。身長七尺五寸，風儀甚偉。好學，無所不窺。善綴文，備知前代故事。若指諸掌，商較當世人物，皆得其精。弱冠，州將賀蘭寬召補主簿。寬當時位望，又與大師年事不侔。初見，言未及終，便改容加敬。曰：「名下故無虛士。」今者非以相勞自望，坐嘯有託耳。每於私室接遇，恒盡忘年之歡。俄而以資調補左翊衛率，尋除冀州司戶參軍。煬帝初，改州爲郡，仍除信州司戶書佐。及大業暮年，王塗弛紊，居官者率多侵漁。皆致潤屋大師，獨守清戒，無所營求。家產益致窘迫。郡丞鞠孝稜，益相歎服。曰：「後於歲寒，此言於公得之。」十年，遷渤海郡主簿。及竇建德據有山東，被召爲尚書禮部侍郎。武德三年，被遣使京師，因送同安公主，遂求和好使畢，還至降州。而建德違約，又助世充抗王師於武牢。高祖大怒，命所在拘留其使。世充、建德尋平，遂以譴徙配西會州。大師少時，嘗筮仕長安，遇日者姓史，因使占。時有從兄子同妹夫鄭師萬、河東裴寂，同以宿衛簡入文資，各使視卽日官位。及將來所至，史生曰：「裴二及李，皆當依資叙用。然裴君終致台輔，鄭非直。」今歲虛歸，後歲亦當本資不叙。指大師曰：「君才雖不減趙元叔，恐賦命亦將同之。」言子同亦無遠到。時大師弟行師，亦預賓貢，因問史生吉凶。生曰：「此郎雖非裴君之匹，亦至方伯。既而大師及子同、裴寂，並以資補州佐。師萬當年差舛，明年而齊資不叙。師萬任益州新都縣尉。及武德初，裴寂任尚書左僕射，魏國公。大師至是遷播，因獨笑曰：「史生之言，於茲驗矣。」行師貞觀中，歷太常寺丞、都水

羈思賦

禮

使者邛州刺史皆如史生之占。大師既至會州。忽忽不樂。乃爲羈思賦以見其事。待中觀公楊恭仁時鎮涼州。見賦異之。召至河西。深相體重。日與遊處。大師少有著述之志。常以宋齊梁陳齊周隋南北分隔。南書謂北爲索虜。北書指南爲島夷。又各以其本國周悉書別國。並不能備。亦往往失實。常欲改正。將擬吳越春秋編年。以備南北。至是無事。而恭仁家富於書籍。得恣意披覽。宋齊梁魏四代有書自餘竟無所得。居二年。恭仁入爲吏部尚書。大師復還會州。武德九年。會赦歸至京師。尚書右僕射封德彝。中書令房玄齡。並與大師親通。勸留不去。曰。時屬新人。思自效。方自屏退。恐失行藏之道。大師曰。昔唐堯在上。下有箕山之節。雖以不才。請慕其義。於是倣裝東歸。家本多書。因編緝前所修書。貞觀二年五月。終於鄭州滎陽縣野舍。時年五十九。旣所撰未畢。以爲沒齒之恨焉。所製文筆詩賦。播遷及遭火。多致失落。存者十卷。子慶孫正禮、利王延壽安世。延壽與敬播。俱在中書侍郎顏師古給事中孔穎達下刪削。旣家有舊本。思欲追終先志。其齊梁陳五代舊事。所未見。因於編緝之暇。晝夜抄錄之。至五年。以內憂去職。服闋從官蜀中。以所得者編次之。然尚多所闕。未得及終。十五年。任東宮典膳丞。日右庶子彭陽公令狐德棻。又啟延壽修晉書。因茲復得勘究宋齊魏三代之事。所未得者。十七年。尚書右僕射褚遂良。時以諫議大夫奉敕修隋書十志。復準敕召延壽撰錄。因此遍得披尋。時五代史旣未出。延壽不敢使人抄錄。家素貧罄。又不辦雇人書寫。至於魏齊周隋宋齊梁陳正史。並手自寫。本紀依司馬遷體。以次連綴之。又從此八代正史外。更勘雜史。於正史所無者。一千餘卷。皆以編入。其煩冗者。卽削去之。始末修撰。凡十六載。始宋。凡八代。

五字說是  
二字也

延壽

爲北史南史二書合一百八十卷。其南史先寫訖以呈監國史。國子祭酒令狐德棻始末蒙讀了。乖失者亦爲改正。許令聞奏次以北史諮詢。亦爲詳正。因徧諮宰相乃上表。表曰。臣延壽言。臣聞史官之立。其來已舊。執簡記言。必資良直。是以典謨載述。唐虞之風尤著。誥書斯陳。殷周之烈彌顯。魯書有作鹿門。貽鑒於臧孫。晉乘無隱桃園。取譏於趙孟。斯蓋哲王經國。通賢垂範。懲誠之方。率由茲義。逮秦書既燬。周籍俱湮。子長創制。五三畢紀。條流且異。綱目咸張。自斯新以後。皆所取則。雖左史筆削。無乏於時。微婉所傳。唯稱班范。次有陳壽國志。亦曰名家。並已見重前修。無俟楊榷。洎紫氣南浮。黃旗東徙。時更五代。年且三百。元熙以前。則總歸諸晉。著述之士。家數雖多。泛而商略。未聞盡善。太宗文皇帝。神資睿聖。天縱英靈。爰動冲襟。用紓玄覽。深嗟蕪穢。大存刊勒。旣懸諸日星。方傳不朽。然北朝自魏以還。南朝從宋以降。運行迭變。時俗汚隆。代有載筆。人多好事。考之篇目。史牒不少。互陳聞見。同異甚多。而小說短書。易爲湮落。脫或殘滅。求勘無所。一則王道得喪。朝市貿遷。日失其真。晦明安取。一則至人高跡。達士弘規。因此無聞。可爲傷歎。三則敗俗巨蠹。滔天桀惡。書法不記。孰爲勸獎。臣輕生多幸。運奉于齡。從貞觀以來。屢叨史局。不揆愚固。私爲修撰。起魏登國元年。盡隋義寧二年。凡三代二百四十四年。兼自東魏天平元年。盡齊隆化二年。又四十四年。行事總編爲本紀十二卷。列傳八十八卷。謂之北史。又起宋永初元年。盡陳禎明三年。四代一百七十年。爲本紀十卷。列傳七十卷。謂之南史。凡八代合爲二書。一百八十卷。以擬司馬遷史記。就此八代。而梁陳齊周隋五書。是貞觀中敕撰。以十志未奏。本猶未出。然其書及志。始末是臣所修。臣旣夙懷

慕尚又備得尋聞私爲抄錄一十六年凡所獵略千有餘卷連綴改定止資一手故淹時序迄今方就唯鳩聚遺逸以廣異聞編次別代共爲部秩除其冗長據其菁華若文之所安則因而不改不敢苟以下愚自申管見雖則疎野遠慙先哲於披求所得竊謂詳盡

其南史刊勒已定北史勘校粗了旣撰自私門不敢寢嘿又未經

聞奏亦不敢流傳輕用陳聞伏深戰越謹言

昭和十七年十一月廿三日夜了此夜和靜月光甚美氣亦暖也

柳田泉識

明萬曆三十一年刊北史列傳卷八十八識語  
曰癸巳二月三十日燈下終列傳八十八卷

正二百一十字是夜雷雨

第貳識

昭和十四年八月七日修復之

柳田泉記

48-11317

